

جريدة عدليه

اوپچنچى سنه

۲۳ ذى الحجه ۱۳۳۰ — ۲۰ تشرين ثانى ۱۳۲۸

نومرو ۷۲

صالى

قِسْمُ رِئَاسَتِى

توجيهات عدليه

مقدمه در سعادته و سالانيك وازمير و بيروت ولايتلر نده تشكيل قلمش اولان غايم بحريه محكمه لريه در سعادته متشكل غنائم بحريه ديوان استينافى هيئتلى حال حاضر حردن طولايى بلغارستان ، صربستان قره طاغ ويونانستان حكومتلرينه عائد ضبط ومصادره اولنه جق غنائم بحريه امورينك فصل ورؤيته ماذوندر . اشبو اراده سنيه نك اجر اسنه عدليه وبحريه نظارتلى مامورد

۲۵ ذى القعدة سنه ۱۳۳۰ و ۲۳ تشرين اول سنه ۱۳۲۸

محمد رشاد

صدراعظم

عدليه ناظرى نامه

بحريه ناظرى وكلى نامه

مستشار

مستشار

كامل

عزى

رستم

*
.*

كرماستى قضاسى بدايت محكمه سى جزا دائر دسى رئيسى اسماعيل حقى افندي نك مدت ماذونه سى تجاوز
ايتديره رك محل مامور يته عودت ايتام سنه مبنى مستعفى عدليه يرينه سومبكى قضاسى بدايت محكمه سى رئيسى

غالب ، سومبکی قضاسی بدایت محکمه سی ریاسته ارکری سنجانی بدایت محکمه سی اعضا الغندن مستغنی محمد حفظی ، ادلب قضاسی بدایت محکمه سی جزا دائره سی رئیس شوکت افندینک وقوع وفاتی ملاسه سیله برینه حلب ولایتی مرکز بدایت محکمه سی اعضا سندن اسماعیل حق ، حلب ولایتی مرکز بدایت محکمه سی اعضا الغنه سیواس ولایتی استیناف محکمه سی اعضا ملازم سابق ادیب افندیلر نقل و تعیین وحلب ولایتی استیناف محکمه سی اعضا سندن مقصود افندی ایله اطنه ولایتی استیناف محکمه سی اعضا سندن زنوب افندیلرک دخی بجایشلری اجرا اولمشدر .

اشبو اراده سنیه نك اجراسنه عدلیه نظارتی مأموردردر .

۶ ذی الحجه سنه ۳۳۰ و ۳ تشرین ثانی سنه ۳۲۸

محمد رشاد

عدلیه ناظری
عارف حکمت
صدر اعظم
طاب

بحی صعب قضاسی بدایت محکمه سی جزا دائره سی رئیس خالد افندی نك بلا مأذونیت ترك مأموریت ایلمسنه مبنی مستغنی عدلیه برینه کیره سون قضاسی بدایت محکمه سی مدعی عمومی معاونی حسن فهمی ، مدیه قضاسی بدایت محکمه سی رئیس احمد شکری افندی نك مدت مأذونه سی تجاوز ایتدیردیکی حالده محل مأموریتنه عودت ایتمه سندن طولانی مستغنی عدلیه برینه ارضروم ولایتی تجارت محکمه سی رئیس سابق قسطنطی ، وان ولایتی مرکز بدایت محکمه سی اعضا سندن عثمان نوری افندی نك مدت مأذونه سی تجاوز ایتدیره رک احوال صحیه سی مساعد اولماق الجاسیله محل مأموریتنه عودت ایده مه سندن ناشی مستغنی عدلیه برینه کر بلا سنجانی بدایت محکمه سی اعضا سابقه سندن سلیمان زهدی ، برات سنجانی بدایت محکمه سی اعضا سندن یورغا کی افندی نك بلا مأذونیت ترك وظیفه ایتسینه بناء مستغنی عدلیه برینه یانیه ولایتی مرکز بدایت محکمه سی اعضا سابقه سندن یاقوسامی ، طربزون ولایتی مرکز بدایت محکمه سی اعضا سندن خرملبو پایا افندی نك صفت مأموریتله غیر متناسب برطاقم احواله جرأت ایلمی حسیه بالهزل برینه قانونیه قضاسی بدایت محکمه سی رئیس سابق واسیلاکی وقونیه ولایتی مرکز بدایت محکمه سی اعضا سندن آیرینیان قره بت افندی نك سن مجبوری نقاعده واصل اولسی ملاسه سیله مأمورین ملکیه نك تقاعدینه دائر اولان قانونک اوچنچی ماده سی موجبجه تقاعده سوقیله برینه بتلیس ولایتی مرکز بدایت محکمه سی اعضا الغندن مستغنی ارداشیس بکیان افندیلرک تعیین و میخالیچ قضاسی بدایت محکمه سی مدعی عمومی معاونی اولوب بعض معاملاتی اقتضاسنجه محل آخره نقلی ایجاب ایدن جلیل افندی ایله

تحویل طلبنده بولنان اقسرای قضاسی بدایت محکمه سی مدعی عمومی معاونی ضیا بکک بجایشلری اجرا قلمشدر . اشبو اراده سنیه نك اجراسنه عدلیه نظارتی مأموردردر .

۶ ذی الحجه سنه ۳۳۰ و ۳ تشرین ثانی سنه ۳۲۸

محمد رشاد

عدلیه ناظری
عارف حکمت
صدر اعظم
طاب

قارص قضاسی بدایت محکمه سی رئیس حافظ علی غالب و خاجین قضاسی بدایت محکمه سی رئیس محمد کاظم افندیلرک بجایشلری اجرا قلمشدر .

اشبو اراده سنیه نك اجراسنه عدلیه نظارتی مأموردردر .

۹ ذی الحجه سنه ۳۳۰ و ۶ تشرین ثانی سنه ۳۲۸

محمد رشاد

عدلیه ناظری
عارف حکمت
صدر اعظم
طاب

ادرمد قضاسی بدایت محکمه سی رئیس عزیمی افندی نك فرقه مسائلی ایله اشتغال ایتدکن ماعدامنسوب اولدیغی اتحاد و ترفی فرقه سیاسیه سندن قطع علاقه ایلدیکی یولنده تعهدنامه اعطا ایتماسنه مبنی عزلیله برینه تحویل طلبنده بولنان نازلالی قضاسی بدایت محکمه سی جزا دائره سی رئیس صلاح الدین ، و نازلالی قضاسی بدایت محکمه سی جزا دائره سی ریاسته کلیس قضاسی بدایت محکمه سی مدعی عمومی معاونی محمد شکری افندی نك مکتب حقوق عثمانی علی الاعلی درجه مأذونلرندن محمد شکری و منحل بولنان کیره سون قضاسی بدایت محکمه سی مدعی عمومی معاونلککنه ارکلی قضاسی بدایت محکمه سی مدعی عمومی معاونلککندن مستغنی احمد رامز ، وزیر کویری قضاسی بدایت محکمه سی رئیس احمد رفعت افندی نك وقوع استیفاسی جهتیله برینه کر بلا سنجانی بدایت محکمه سی مدعی عمومی معاون سابق عبدالحفیظ افندیلر نقل و تعیین و قسطنطونی استیناف محکمه سی اعضا سندن خالد رشدی افندی ایله جانیک سسمنجانی استیناف محکمه سی اعضا سندن حسین حسنی افندیلرک بجایشلری اجرا قلمشدر .

اشبو اراده سنیه نك اجراسنه عدلیه نظارتی مأموردردر .

۱۳ ذی الحجه سنه ۳۳۰ و ۱۰ تشرین ثانی سنه ۳۲۸

محمد رشاد

عدلیه ناظری
عارف حکمت
صدر اعظم
طاب

تبلغات عمریه

عمریه نظارت علیه سندیه تطبیق اولنامه ۲۸ تشریبه اول سنه ۳۳۸ تاریخلی عمریه عمومی صوریه :

« حکومت سنیه ایله یونانستان آره سنده تحدد ایدن محاربه سببیه تبعه یونانیه

حقنده بایله جق معامله یه دائر »

حکومت سنیه ایله یونانستان آره سنده تحدد ایدن محاربه سببیه حکومتین بیننده منعقد بالجه معاهدات ، مقاولات ، ایئتلافات و پروتوقوللر منفسخ اولدیغندن اعلان حرب تاریخندن اعتباراً تبعه یونانیه حقنده بایله جق معامله یه دائر باب عالی استشاره او طه سنجه بالنظم مندرجاتی مجلس وکلانک تنسیبه اقترا ایدن مطالعه نامه نك باتذکره سامیه ارسال و تودیع بیوریلان صورتی لفاً کونده رلدی عندالایجاب تبعه مرقومه حقنده مذکور مطالعه نامه محتویاتنه توفیق معامله اولغنی

حکومت سنیه عثمانیه ایله یونانستان آره سنده حال حربك تأسس ایتش اولسی اعتباریه ایکی دولت بیننده منعقد بالجه معاهدات و مقاولات و ایئتلافاتی و پروتوقوللری فسخ و تعطیل ایتش اولدیغمندن قاکلیجه معاهده سنك ابقا اولنان معاهده لرله و قونسلوسلق مقاوله نامه سیه یونانیلرک نائل اولدقلری اصول استثنائیة عدلیه حکمدن ساقط و اعلان حرب، تاریخندن اعتباراً یونان تبعه سی حقنده تبعه عثمانیه مثللو معامله ایدلمسی ایجاب ایدن اورویا حقوق عمومیة دولی قواعدینه اتباع ایلک مقتضی بولمشدیر .

بناءً علیه مواد جزائیة ده یونانی مجرملرک توقیفی اقامتگاهلرینک تحریری مستنطقلک حضورنده استجوابلرینک و محاکمه محاکمه لرینک اجرا و حکمک اعطاسی طوغریدن طوغریه واقع اولق و ممالک عثمانیه ده کی یونانیلرک حمایه سنی در عهده ایتسی خصوصه دولت علیه جه موافقت ایدیلان حکومتک قونسلوسلری توسط ایدلمامک ایجاب ایدر . اوراق عدلیه تبلیغاتی ده طوغریدن طوغریه اجرا قلنور .

یونانیلر طرفندن ارتکاب اولنان جرائم عمومیته شمعدیه قدر مواد ممانده عثمانیلری محاکمه ایتمه صلاحیتدار اولان محاکمه رؤیت ایدلیکی کی بوندن صکره دخی یونانیلر عینی محاکم جزائیة ده فقط هیچ بر ترجمان حاضر اولقسزین محاکمه ایدلمک لازم کلیر . صید ماهی و سائر مثللو خصوصاتده تچاقیلقدن متولد و مجالس اداره ده رؤیتی ایجاب ایتدیکی حالد حکومت سنیه جه محاکم جزائیة ده رؤیتنه مجبوریت حاصل اولمش اولان دعاوی تبعه عثمانیه حقنده جاری اصوله توفیقاً مجلس اداره ده فصل ایدلمک ایجاب ایدر .

یونانی شاهدلر طوغریدن طوغریه محاکم طرفندن دعوت اولنه رق اجابت ایتدکاری تقدیرده عثمانلی شاهد متمردلر حقنده کی معامله یه تابع طوتیلورلر . استیناف و تمیز معاملات دخی طبق تبعه عثمانیه حقنده اولدینی کی اجرا و محکمه تمیز جزا دائره سنك مقرراتی انفاذ اولنور .

حقوق و تجارتیه متعلق امورده دخی یونانیلرک تبعه عثمانیه تمثیلی قاعده سنه اقتفا ایدلمک لازم کلور . شمعدیه قدر بوکی خصوصاتده یونانیلری محاکمه صلاحیتدار اولان محاکم ترجمان حضوریه ایجار واستیجار دعاواری و بیک غروش و بوندن دون مبالغی تضمن ایدن دیگر دعاورده محاکم حقوقیه و دعاوی سائره ایچون ده محاکم مختلطه تجاریه اولدینی حالد بوندن صکره مواد حقوقیه محاکم حقوقیه ده و مواد تجاریه محاکم تجاریه عثمانیه ده طوغریدن طوغریه و عثمانیلر حقنده کی اصول و قواعد توفیقاً رؤیت ایدلمک مقتضیدر . اوراق حقوقیه نك و اعلاماتک تبلیغی ، حکمک تنفیذی کذلک طوغریدن طوغریه واقع اولق و قانونک امر ایتدیکی احوالده مأمورین عدلیه جه یونانیلرک اقامتگاهنه مساکن عثمانیه مثللو بلا واسطه دخول ایدلمک ایجاب ایدر .

ولایات محاکم تجاریه مختلطه سنه معطی حکمک در سعادته برنجی مجلس تجارتده قابل استیناف اولدینی و مجلس مزبورک ویردیکی حکمک ایسه استیناف و تمیز ایدیلهمدیکی حالد بعدما طرفینی تبعه عثمانیه تشکیل ایدن دعاوی مثللو استیناف و تمیز ایدلمیدر .

بعدما یونانیلردن افلاس ایدنلرک مورینه محاکم تجاریه عثمانیه طرفندن و قونسلوسخانه لر ترجمانی توسط ایتدیرلمکسزین باقلمق لازمدر .

یونانیلرک علاقه دار بولنوب اصولنه توفیقاً در دست رؤیت اولان دعاوی جزائیة حقوقیه و تجارتیه کلنجه انقطاع مناسبات تاریخه قدر واقع اولان معاملات معتبر ایسه ده مابعدینه تاریخ مذکور دن اعتباراً حال جدیدک ایجاب ایتکده اولدینی وجه مشروح اوزره دوام ایدلمک اقتضا ایده جکته نظراً مواد جزائیة ده آرتق ترجمانلر قبول ایدلمامک و کیفیت اساساً مجلس اداره یه عائد ایکن ایشده علاقه دار بر یونانی بولنق طولا یسیله محاکم جزائیة در دست رؤیت ایسه اوراق متفرعه مجالس اداره یه تودیع ایدیلرک مابعدینه مجالس مذکور ده دوام اولنق و کذلک امور حقوقیه و تجارتیه دخی عینی وجهله حرکت اولنه رق حقوقه دائر دعاوی محاکم تجاریه جه حقوق محکمه لرینه نقل ایدلمک فقط دعاوی تجاریه اجنبی اعضایی بلا تشریک کندیلری دوام ایتک و حقوق ایجار واستیجار دعاورنده محاکم حقوقیه ترجمان قبول اولنماق لابدر . اجراسنه ابتدار ایدیلان حکمکله عثمانیلر حقنده کی اصوله توفیقاً طوغریدن طوغریه دوام اولنق ایجاب ایدر . طرفین یونانی اولوب یونان قونسلوسخانه محکمه لرندن ویریلن و یونانیلر عائد اموال غیر منقوله اوزرندن تنفیذی لازم کلن حکمک حقنده کی معاملات تعطیل اولنه رق مختصاتک ابتدا ایتدیکی تاریخده کی حالی اوزره براقلمق و یونان قونسلوسخانه سنجه افلاسنه حکم اولنان یونانیلرک املاکی اوزرنده اجرا اولنه جق معاملات دخی عینی صورتله طور دیرلق طبعیدر .

محارب اولان قره طاغ صرب بلغار تبعه لرینه کلنجه بونلر ذاتاً هیچ برکونا مساعدات استثنائیة یه مظهر اوله مامش یعنی حقننده شمعدیه قدر اورویا حقوق عمومیة دول احکامی اجرا ایدیلر کلش اولدیغنک بوندن

بویله ده تبعه عثمانیه مثلاًو معاملہ کورملری ایجاب ایدہ جکینک و بونلرک تبہ لرینی ممالک عثمانیہ ده حمایہ ایتمدی در عہدہ ایدن حکومتلرک قونسلوسلری توسیط ایدلمہ مک مقتضی بولندیغینک حکومات مرقومہ تبہ سنک تبعیدی تقرر ایدنجہ قدر موجبہ حرکت ایدلمک اوزرہ صدارت عظمی واسطہ سیلہ عدلیہ نظارتہ انبائی وابستہ رأی عالی نظارتہ ایلیدر .

عدلیہ نظارت ہایدنمدرہ تسلیم اولنارہ ۱ تشرین ثانی سنہ ۱۲۲۸ تاریخلی تحریرات عمومیہ صورتیدر :

« مجازات نقدیہ حقندہ مجالس بلدیہ دن ویریلان مقرراتک امتناع وقوعندہ نہ صورتلہ انفاذ اولمہ جنی حقندہ »

جانب بلدیہ دن وقوعبولان تنبیہاتہ مخالف حرکاتدہ بولنانلردن استیفاسی لازم کلن مجازات نقدیہ حقندہ مجالس بلدیہ دن ویریلان مقرراتک جزای نقدی دفعہ ویامقسطاً تأدیہ دن امتناع اولندیغی حالده دوائر اجراییہ نہ صورتلہ انفاذ واجراسی لازم کلہ جکی بعض طرفدن استفسار اولمسی اوزرینہ کیفیت انجمن عدلیہ لدی الخوالہ بوقیل مجازات نقدیہ حقندہ مجالس بلدیہ دن ویریلان مقرراتک دوائر اجراییہ نہ تنفیذی محکمہ تمیزک قرار اخیرینہ موافق اولمہ جنی افادہ قلمش و مجالس بلدیہ نہ بامضبطہ حکم اولمہ جن مجازات نقدیہ دن تأدیہ سنندن امتناع ایدن اشخاص حقلرندہ مرجعندن تودیع ایدیلہ جک مضابط اوزرینہ معاملات تنفیذیہ جملہ سنندن اولدینی اوزرہ مدعی عمومیلرک اصول وقواعد عمومیہ اقتضاسنجہ دوائر اجراییہ بالمراجعہ طرف ریاستدن قرار استحصالی صورتیہ مجازات مذکورہ دن حبسہ تحویل وتنفیذی طریقہ توسل ایتلمی ہم حکم قانون و ہمدہ محکمہ تمیزک سالف الذکر اجتہاد اخیرینہ موافق بولنش واشبوت تحریراتک نسخ مطبوعہ کافیسی لفأ ارسال قلمش اولمغلہ اولوجہلہ ایضای معاملہ اولمسی

عدلیہ نظارت ہایدنمدرہ تسلیم اولنارہ ۳ تشرین ثانی سنہ ۱۲۲۸ تاریخلی تحریرات عمومیہ صورتیدر :

« اورمانلرہ متعلق دعاوینک تسریع رؤیتی حقندہ »

اورمان نظامنامہ سنک اوتوز برنجی مادہ سنندہ « اورمانلرہ متعلق دعاوینک اوچ ماہ ظرفندہ اقامہ سی مشروط و بعد الحاکمہ لاحق اولان حکمک دخی اوچ آی ظرفندہ اجراسی لازم کلوب بومدتک انقضاسندن صکرہ حکم منسوخ اولمہ جنی » محرر دعاوی مباحوث عنایہ عائد اوراتک اوچ ماہدن زیادہ محکمہ زندہ قلمسی مرور زمان وقوعنہ دلالت ایدہ جکی دہ محکمہ تمیزک جملہ مقرراتندن اولوب بعض محاکمہ حکم نظام ایلہ مقید بولنان اشبو مدت ظرفندہ اوراق متعلقہ نک اکمال معاملاتنہ صرف دقت وغیرت اولمامسی یوزندن حقوق خزینہ نک ضیاعہ اوغرامقدہ بولندیغی محللری اشعاراتنہ عطفاً تجارت وزراعت نظارت جلیہ سنندن بانذکرہ ازار قلمقدہ اولمسنہ نظراً بعد اذین ہر طرفہ دعاوی مذکورہ عائد معاملاتک وقت وزمانیلہ

اتمام وانتساجی ایلہ حقوق خزینہ نک خللدن وقایہ سی اسبابنک استکمالی وعکسی حال وحرکتدہ بولنانلر حقلرندہ بلا استثناء معاملہ مقتضیہ قانونیہ توسل ایدلمسی

عدلیہ نظارت ہایدنمدرہ تسلیم اولنارہ ۵ تشرین ثانی سنہ ۱۲۳۸ تاریخلی تحریرات عمومیہ صورتیدر :

« دفعہ ثانیہ ده تنظیم ایدیلن مضبطہ لک حجاز اوراق مطبوعہ سنہ تابع اولمایہ جفہ دائر »

تمغا قانوننک معفویات فصلنک اون دردنجی انقرہ سنندہ تمغا رسمندن استثنائی کوسترین اوراتک حجاز اوراتندن استثنائی لازم کلوب کلیہ جکی بغداد ولایتندن استفسار اولندیغندن و اوراق مذکورہ تعرفہ سنندہ شورای دولتن غیری دوائر دن مصالح شخصییہ دائر ویریلان مضابطک بش غروشلق حجاز اوراتنہ تحریری مذکور و مصرح بولمغلہ برابر اساساً تمغا قانونی احکامنک حجاز اوراتنہ تشبہیلی غیرجائز بولندیغی درکار ایسده فقرہ مذکورہ موجبہ اولمہ جنہ تنظیم ایدش اولان مضبطہ یی تصدیقاً ویا تفسیراً طبقات مجالسندن یاخود مکرراً عینی ہیئندن یازیلان مضبطہ لر بولدن مستثنی اولمسنہ قیاساً بونلرک حجاز اوراق مطبوعہ سنندہ عدم تابعیتلری موافق کورلمسکدہ اولدیغندن بختلہ استفساری متضمن مالیہ نظارت جلیہ سی مقامنک شورای دولته محول تذکرہ سی اوزرینہ تنظیمات دائرہ سنندن بالاعطا ہیئت عمومیہ دن تذیل قلمان مضبطہ دن عین خصوصہ متدائر بر مضبطہ یی تصدیقاً یا تفسیراً طبقات مجالسندن یا مکرراً عینی ہیئندن یازیلان مضابطہ و قیلہ صورت مکررہ دن اولمہ جن حجاز علم وخبری الصاقی ایجاب ایتیمہ جکی صورتندہ کی تاقی نتیجہ سی اولمہ جن تعاملات او وجہلہ معاملہ ایضا ایدلیکی کی دفعہ ثانیہ ده تنظیمی اقتضا ایدن مضبطہ اولکی مضبطہ نک متممی حکمنندہ اولمسنہ نظراً تنظیمات دائرہ سننجہ درمیان قلمدیغی وجہلہ مضابط مکررہ نک حجاز تیمور یولنہ مخصوص اوراق مطبوعہ یی تابعیتی اقتضا ایتیمہ جکی افادہ قلمدیغی بانذکرہ سامیہ تبلیغ واشعار بیورلمشدر .

عدلیہ نظارت ہایدنمدرہ محاکم مرکزیرہ ریاستلرہ ۱۲ تشرین ثانی سنہ ۱۲۲۸ تاریخلی وقوعبرارہ

تباہیات عمومیہ صورتیدر :

« دوام جدولارینک منتظماً طویلمسی حقندہ »

محاکم ودوائر عدلیہ متعلق اولمق اوزرہ ایشیدیان شکایتلردن برقسمنک دہ دوامسنزلقدن نشأت ایتسکدہ اولدیغی معلومدر حکام و مأمورین عدلیہ نک منتظماً دواملرینی تحت مراقبہ دن بولندیرمق اوزرہ طوئلی قرارگیر اولان دوام جدولارینک و قیلہ امضا آلتنہ آدیرلمسی خصوصنک مقام نظارتدن تعمیماً تسلیم اولنان ۱۶ تشرین اول ۱۲۲۸ تاریخلی تذکرہ ایلہ رؤسای محاکمہ مدعی عمومیلرک عہدہ مسئولیتلرینہ براقیدلیغی نظارتہ مأموریت عاجزانہ می متعاقب آکلامش ومقصد دوامک منتظماً تأمینندن عبارت اولدیغی ایچون بوندہ

طبیعی بآس کورمه مش ایدم . جدولاره وضع امضا اصولک نه درجه به قدر تطبیق ایدلایکنه و قوف حاصل ایدمک ایچون بوکون بالذات اجرا قلنان تدقیقات نتیجه سنده مأمورین و کتبه دن بعضلرینه عائد امضاخانه لرینک بوش بر ایلدینی و حتی بعض محاکمه و دواثرجه اقشام جدولارینک ده صباحدن امضا اولندینی کورلدی . دولتیجه معین اولان زمان ظرفنده موقع مأموریتده اثبات وجود ایدرک وظائف مودوعه ایله اشتغالک قانوناً و وجداناً نصل واجب الرعايه بروظیفه ، بر بورج اولدینی اوزون اوزادی به توضیح احتیاجندن وارسته بولندیغندن دوام جدولارینک صباح واقشام و قتیله امضا آلتیه آلدیریلهرق بر عذر مشروعه مستند اولمق سزین کله یئرلرک اسماری خذاسنه بررچینکی چکلمسی و بویولده طوتیله جق جدولارک هر آی نهایتنده ارسالی حقنده کی تبلیغات واقعه نك تمامیه تطبیقنه واقشام جدولارینک صباحدن امضا ایدلمسی کی بر حالک عدم وقوعه بالذات دقت واعتنا اولنسی بالخاصه توصیه اولنور .

اعلامات

اسکدار بدایت محکمه سی جزا دانه سنده صادر اولاره ۴ تشرین اول سنه ۳۲۷ تاریخی اعلام صریح

« اهالینک راحتنی سلب ایدر صورتده کورواتی و شمه ایتک ماده سنه داتر »

اهالینک راحتنی سلب ایدر صورتده بلا موجب کورواتی و شمه ویل دکرمنی موقعنده مستخدم پولیس یکریمی بش یاشنده علاءالدین افندی بن عثمان و اوتوزبش یاشنده عثمان نوری افندی بن علی افندی به اجرای وظیفه حالنده حقارت ایتدکاری ادعاسیله مظنون علیم اولان مصرلی اوغلنده مقیم مرانغوز اوتوز اوچ یاشنده نیقولا ولد یورکی ایله یل دکرمننده عزیزیه سوقاغنده مقیم اوتوز اوچ یاشنده میخال ولد خرستو وقاضی کوبنده مقیم ترزی اوتوز اوچ یاشنده یانی ولد آریستیدی وقوچو ولد میخال حقارنده اسکدار بدایت محکمه سی مستطلفه نتیجه اجرا قلنان تحقیقات استنطاقیه نتیجه سنده تنظیم و تفرطیه برابر محکمه مذکور مدعی عمومیلکندن ۷ تموز سنه ۳۲۷ تاریخنده دائره به تودیع اولنان لزوم محاکمه قرارنامه سی بعدالمطالعه علی الاصول ایفا ایدیلن تبلیغات اوزرینه یوم محاکمه اولان ۴ تشرین اول سنه ۳۲۷ صالی کونی مشتکیلردن عثمان نوری افندی محکمه به بالورود دیکرلری کلدیکندن حاضر بولنان مدعی عمومی معاونی فوآد بکک طلیله غیاباً محاکمه اجراسنه قرار ویریلهرک بعدالتفهم محاکمه علنییه ابتدارله مستطیق قرارنامه سی قرائت اولندی مالی : میخال و نیقولا و یانی ایله قوچونک بلا موجب کورواتی و شمه و اجرای وظیفه حالنده پولیس عثمان و علاءالدین افندیله حقارت ایتدکاری اکلانشلمش اولدیغندن قانون جزانک یوز اون اوچینچی ماده سی موجب نتیجه اسکدار بدایت جزا محکمه سنده اجرای محاکمه لری لزومنه قرار ویرلدیکنی مبین اولوب معاون مومی الیه دخی مندرجات قرارنامه به عطف کفتارله بسط مدعا ایلدی مشتکیلردن عثمان نوری افندی نك ادعای

لدى الاستماع میخال ایله یانی و خرستو و نیقولا یی میخانه چینک مراجعتی اوزرینه کتورمک ایتدکاری یی بونک اوزرینه میخال ایله یانی کوکسندن ایتدکاری یی و نیچون چیقار یورسکز» دیه باغیرمقدمه اولدقلری مرقومونک جمله سی دخی حقارتده بولندقلری و دیگر مشتکی اولوب ورود ایتیمان علاءالدین افندی نك افاده استنطاقیه سی اوقوندقمده میخانه چینک شکایتی اوزرینه میخانه به کیتدکارنده یانی ایله رفیققلری طیشارویه چیقارمق ایتدکارنده مرقوم یانی دخی « بن چیمدیغ کی ارقداشلر مده چیمیه جقلردر» دیه رک عدم اطاعتله برابر مرقوم یانی « بکا سز نه قاریشیورسکز» دیه رک ایله ایتدیکنی میندر مظنون علیمک قرائت اولنان افاده لری دخی کورلتی و شمه ایتدکاری کی مأمورین ضابطه به دخی حقارت ایتدکاری معلندر لاجل الشهاده ورود ایدن نازخانه مده مقیم شمندوفر قومانییه سی بکجیسی اوتوز بر یاشنده عثمان اغا بن محمد ایله یل دکرماننده سسا آن رنجیر اوتوز یاشنده عثمان بن یوسف و خنکار امامنده مقیم الی اوچ یاشنده حافظ قدری افندی بن سلیمان افندی نك طرفینه قرابت و خصومتلری اولمدیغی آکلانشلدقندن صکره علی الاصول امر تحلیف لری بالاجرا منفرداً استماع اولندقلرنده بولردن عثمان اغا مظنون علیم یانی و نیقولا ایله خرستو و میخالک قدسی آتهرق قیردقلری و کورلتی ایتدکاری و میخانه چینک شکایتی اوزرینه ورود ایدن ضابطه مأمورلردن عثمان افندی نك مرقومونه « بیورک طیشاری به» دیمسی اوزرینه بولردن یاینک « کیتیمه جکم سن کیمسک» دیه رک عثمان افندی نك کوکسنه دایاندیغنی بوندن طولانی پولیسلر مرقومونی آلهرق کتوردکاری کوردیکنی عثمان دخی یانی ایله نیقولا و خرستو و میخالک میخانه ده کورلتی ایتدکاری وکلن پولیس مأمورلرینه « بزکیمه یز سزی طانیرز» دیدکلرینک مشهودی اولدیغنی پولیس افندیلر دخی بولری آلهرق قره غولخانه به کتوردیکنی حافظ قدری افندی ده میخال ایله یانی و نیقولا و قوچونک میخانه ده پاتیردی ایدرک بوندن طولانی پولیس مأمورلری کلوب مرقومونه « هایدی قالقیکز» دیملری اوزرینه « نه یایدق بز» دیه رک و میخانه نك قپوسنه طورهرق پولیس افندیلردن عثمان افندی نك کوکسنه دایاندقلری کوردیکنی فقط اورمق صورتیه دکل علی العاده دایاندقلری افاده و تذکار ایلرله دیگر شهود غیر موجود خنکار امامنده مقیم فرق بر یاشنده خیری افندی بن حق افندی ایله یل دکرماننده مقیم اوتوز یاشنده کامل افندی بن ادهم افندی نك جلبلری معاون مومی الیه طلب ایش ایسه ده بو جهت لیدی التأمل جلبلرینه لزوم کورلیوب انجق افاده استنطاقیه لرینک قرائته قرار ویریلهرک بعدالتفهم بولردن خیری افندی نك افاده سنده یانی و نیقولا ایله خرستو و میخالک کورلتی و پاتیردی ایتدکاری و میخانه ده بولنان مشتریله دخی ایمالی سوزلر ایله حرف اندازلقمده بولندقلری و مأمورینه عدم اطاعتله برابر « بز نه چیقارز نه کیده رز» دیه رک قولاً مأمورلره مخالفتده بولندقلری و « سزی طانیرز» کی سوزلر سویلدکاری مشهودی اولدیغنی کامل افندی نك افاده سی ده وقعه دن معلوماتی اولدیغنی متضمندر .

اولاباده کی ضبط ورقه سی لیدی القرائه یانی ایله اوچ رفیققلری بر ماصه ده اوطور مقدمه و ابکیسی دخی زیاده سیله سکر حال بولندیغنی کورلمش اولوب اولجه یانی به خطاباً رفقاسیله کنیدیسنک کیفی تمام اولدینی و برلمکده

خانه لرینه کیتملری صورت مناسبه ده تفهیم اولندقد مرقوم یانی ده جواباً « نه بن کیدرم و نه ده رفیقلم میخا. نه دن چیقار » دیه رک صورت باردانه ده سویلشی حسبله دیگر رفیقارینه ده آری آری تفهیم اولندقد مرقومونک یانیدن دها زیاده سکر حال اولدقلری و یانینک لقر دیسندن قوت بوله رق بز چیقماز بز کی چیقار جق دیه رک باغیر دقلری دیگر مشتریره و میخانه جی به قارشو مناسبتر سوزلر صرف ایتمکده اولدقلری کورلمش اولدیغندن بناء علیه مسئله نک ایلر و سنده وقوعه کله جک وقوعات نظر دفته الهرق پولیسک باشلوجه وظیفه. سندن بولنان ضابطه مانعه نقطه سندن مرقومون علی الاصول طیشاری به چیتارلمده ایکن یانی ایله رفیقارندن نیقو و میخال پولیس عثمان و علاء الدین افندیلرک کورسلیرینه طیاره رق سرکشانه معامله ایله وقوعبولان دعوت اجابت و سزی طنیماز کی حقارتده بولندقلری مشعردر.

نتیجه مدعای معاون مومی الیهدن سؤال اولندقد مظلون علیهمک بلا موجب کورواتی و شمانه و مأمورین ضابطه به اجرای وظیفه حائده معامله حقارتده بولندقلری شهادت و ضبط ورقه سیله ثابت اولدیغندن کورواتی و شمانه فعلی سبب شدت طوتیلهرق قانون جزانک یوز اون اوچنجی ماده سی موجب ججه تحدید جزالری طلب ایلمش و ایشده شایان تدقیق بر جهت کوریه نامسنه مبنی محاکمه نک ختامی تفهیم قلمشدر.

ایجابی لدی التذکر میخال و نیقولی و یانی ایله قوچونک اهالینک راحت سلب ایدر صورتده بلا موجب کورواتی و شمانه و پولیس عثمان نوری و علاء الدین افندیلر اجرای وظیفه حائده معامله حقارتده بولندقلری شهادت و ضبط ورقه سیله ثابت اولدیغندن کورواتی و شمانه فعلی سبب شدت طوتیلهرق تاریخ وقعه به نظراً اعظم جرم اعتباریه حرکتلرینه تطابق ایدن قانون جزانک یوز اون اوچنجی ماده سابقه سنک فقره اولاسنده « عسا کر نظامیه نک و حکومت طرفندن علی الاطلاق ضابطه و اداره مأمور بولنلرک مأموریتلری اجرای اجراءه و یا خود اجرا ایتدکلری حکم مأموریتدن طولانی قدر و ناموسلرینه نقیصه و یرجک صورتله حقارنده معامله حقارته و اطاله اسانه و اخافیه جرأت ایدنلر اولور ایسه بر مجیدیه آلتونندن اوچ مجیدیه آلتوننه قدر جزای نقدی اخذ اولور » دیه مسطور بولندیغندن فقره مذکوریه توفیقاً ایکیش لیرا جزای نقدی اخذینه و الی غروش اعلام و قرق غروش ضبط و سکسان غروش استنطق و یوز الشمس غروش صورت و تبلیغ خرجلریله اون بش غروش خدمه اجر قی که جمعا اوچ یوز قرق بش غروش مصارف محاکمه نک محکوم علیهمدن تحصیلنه قابل اعتراض و استیناف اولق اوزره غیاباً و متفقاً ۲۴ شوال سنه ۱۳۲۹ و ۴ تشرین اول سنه ۱۳۲۷ تاریخده قرار و یریه رله عباره قانونیه نک جانب ریاستدن قرأتیه علی الاصول تفهیم قلمدی.

محکمہ تحریر استعدا دائره سنده صادر اولده ۳۲۸ تشرین اول سنه ۱۳۲۸ تاریخلی اعلام صورته

« مالک عثمانیه ده مقیم اولان اشخاصه عکسی ثابت اولدقجه تبعه دولت علیه صفیه معامله اولتی مقتضی بولندیغنه دائر »

اسکدار بدایت محکمه سی جزا دائره سندن صادر اولان و ۴ تشرین اول سنه ۱۳۲۷ تاریخده تفهیم قلمنان قراری ناطق ایکی یوز الی بر نومرولی اعلامک تقضی حقدده عدلیه نظارت جلیله سندن وریلان امر تحریری اوزرینه اولدیده کی اوراق باش مدعی عمومیک مأموریت بهیه سندن بانیغنامه محکمه تمیز استعدا دائره سنده تودیع اولمغله مطالعه اولندی.

ذکر اولنان تبلیغنامه بلا موجب کورواتی و شمانه ایله پولیسلری اجرای مأموریت حائده تحقیر ایلدیکی ادعایله مظلون علیه اولوب بالاخره اوستریا دولتی تبعه سندن اولدینی آکلاشیلان مرانغوز میخائیلک فعل مذکور اجتناساری اصولاً ثابت اولدیغندن قانون جزانک یوز اون اوچنجی ماده نه توفیقاً ایکی لیرا جزای نقدی ایله محکومیتنه دائر غیاباً صادر اولان اعلامک مرقومک اقامتگاهنده ساکنه والده سنه تبلیغ ایدیله رک طریق قانونیسنه مراجعت ایدلما سندن ناشی کسب قطعیت ایلدیکی و مرقومک دولت مشارالیه تبعه سندن اولدینی و محاکمه سنده ترجمان بولندیرلما دینی جهتله مذکور اعلامک اجراء قابل اوله مدینی سفارتدن اشعار قلمدینی منقهم اولمش و مرقوم میخائیلک صفت تابعیتنه نظراً محاکمه سنده ترجمان حاضر بولندیرلما سزین حقنده بروجه محرر حکم اعطای عهود و قانونه مخالف بولمش اولدیغندن کسب قطعیت ایدن سالف الذکر حکمک اصول محاکمات جزائی قانوننک اوچ یوز قرق یدنجی ماده سنه توفیقاً بر موجب امر تحریری تقضی لزومی کوسترلشدر.

ایجابی لدی المذاکره مالک عثمانیه ده مقیم اولان اشخاصه عکسی ثابت اولدقجه تبعه دولت علیه صفیه معامله اولتی مقتضی بولمش و بالاده خلاصه سی مرقم تبلیغنامه ده دخی کوسترلدیکی اوزره ایضای وظیفه اناسنده مأمورین ضابطه قارشو حقارتده بولتی و بلا سبب کورواتی و شمانه ایتمک ماده لرله مظلون اولان اشخاصدن مرقوم میخائیلک عن الغیاب جریان ایدن محاکمه سی اناسنده صفت تابعیتی موضوع بحث ایدلماش اولسنه کوره اخیراً تحقق ایدن تابعیت مسئله سندن طولانی حقنده تبعه دولت علیه صفیه لاحق اولان حکمک تقضی جهتله کیدیله میوب انجق امر محاکمه نک بر منوال محرر غیاباً اجرا قلممده اولسندن ناشی استماع اولنان حقوق عمومیه شهودینه مظلون مزبورک هویتی تعیین ایتدیرلک لزومندن ذهول ایدلی و مدعی عمومیک مقامندن دیگر شاهد خیری و کامل افندیلرک جلیله تحقیقات حاضره نک توسیعی یولنده درمیان اولنان طلب و ادعایک اعلام مذکور جمله مندر جاتسندن اولدینی وجهله اقامتگاهلری معلوم و معین اولان مومی الیهمانک

علی الاصول دعوت اوله رق افاده لرینک اخذی ایجاب ایدرکن ختام محاکمه دن اول احساس رأی تضمن ایدر صورتده شاهدان مومی الیه مانک جلب لرینه لزوم اولدیغی بیانیله افادات مضبوطه لرینک قرائتیه اکتفا اولمسی یولسز و مستلزم نقض احوال دن کورنمش اید و کندن اصول محاکمات جزائییه قانوننک اوچ یوز قرق یدنجی ماده سی موجبجه ذکر اولنان اعلامک مزبور میخایل حقنده کی فقره حکمییه سنک اسباب محرره دن ناشی نقضنه ۲۸ اغتوس سنه ۲۲۸ تاریخنده متفقاً قرار ویرلدی .

تکفور طاغی برایت محکمه سی جزا دائره سنده صادر اولانه ۱۸ ضربانه سنه ۳۲۸ تاریخ

و ۲۸۰ نومردلی اعلام صورته بر :

« بلا ضروره محله آره سنده طبانجه انداختی حقنده »

بلا ضروره محله آره سنده طبانجه انداخت ایلدیکی ادعاسیله مظنون علیه چورلینک حضر افا محله سنندن متوفی ظفیر اوغلی اون درت یاشنده چراق طنشک برانته دائر چورلی بدایت جزا محکمه سنندن صادر اولان ۲۴ نیسان سنه ۳۲۸ تاریخ و قرق بر نومردلی اعلامک استینافاً تدقیق لوا مدعی عمومی معاونلکی جانبندن بالاعطا ۱۷ مایس سنه ۳۲۸ تاریخنده معامله قانونیه سی ایفا قلنان استدعایه ایله طلب و بو خصوصه متفرع اوراق محکمه نك جزا دائره سنه تودیع ایدلمکدن ناشی لاجل المحاکمه تعیین اولنان ۱۸ حزران سنه ۳۲۸ بازار ایرتسی کونی مدعی عمومی معاونی وکیلی محکمه نك اعضا ملازم لرندن احمد افندی حضوریه متشکل محکمه یه مظنون طنشک تلبیغات مقتضیه ایفا ایلدیکی حالده کلدیکی نمایان اولمغله مطالعه سی استفسار اولنان معاون وکیلی مومی الیه ک مسبوق طلبی وجهله مرقوم حقنده غیاباً رؤیت دعوییه ولدی التدقیق مدت قانونیه سی ظرفنده ویرلدیکی تدقیق تواریخله نمایان اولان استیناف عرصه نك قبولنه قرار ویرله رک بعد التفهیم علناً اجرای محاکمه یه ابتدارله اوراق لازمه دعوی جهر آقرا ت ایتدیرلدی .

اعلام مستأنف بهک مالی اوراقک تودیعی اوزرینه تعیین اولنان کونده مظنون علیه ورود ایتمکه لدی . التدقیق فعلک جنبه درجه سنده اولدیغی آکلاشلغله مدعی عمومی معاونی محمد توفیق افندی حاضر اولدیغی حالده محاکمه علیه بالابتدار لدی الاستجواب مظنون علیه کندوسی بیکس اولدیغی کی قدراشلی ده بولندیغندن طبانجه یی چوجقلره صاتمق اوزره اودن چیقاردیغنده قومیسر افندی کوروب آلدیغی وطبانجه یی آتمدیغی بیانیله انکار فعل ایتمکه برای استیضاح ضبط ورقه سی تنظیم ایدن قومیسر معاونی حلمی افندی بالجلب سؤال اولدقدیه پاسقالیه کونی برسلح سسی ایشتمسی اوزرینه مرقومک اولدیغی طرفه کیتدیکنده مرقوم طبانجه نك بر کوزخی طولدیرق اوزره بولندیغنی کورمسیله لندن آلدیغی ویرسی ده هنرز آتیلمش بولندیغنی

افاده ایلدی . نتیجه مطالعه سی استفسار اولنان معاون مومی الیه مظنونک قرقچی ماده دلائلیه ایتکیوز الی بشنجی ماده موجبجه تجزیه سی طلب و مظنون علیه افاده سابقه سنندن بشقه بر دیه جکی اولدیغنی سولیکله ختام محاکمه تفهیم قلنهرق ایجاب کیفیت لدی المذاکره مظنون علیه طنشک فعل مذ کوره مجاسر قی اصولاً ثابت اوله مدیغندن اکثریتله برانته قرار ویرلدیکنی حاوی و استیناف عرضحالی مفادی ده چورلی بدایت محکمه سی اعلامک متدائر اولدیغی جریمه دائر پولیس معرفتیه تنظیم ودرت نفر طرفندن امضا قلنان خط ورقه سی ایله ثابت بولنمش واکر محکمه بونکله استحصال قناعت ایده میورسه ضبط ورقه سننده واضع الامضا کسانک جمله سنک جلب لرینه افاده لرینک استماعندن صکره بر قرار اتخادی حکم قانون اقتضاسندن بولنمش اولدیغی حالده یالکز پولیسک افاده مشوشه سیله برات قراری اتخادی مخالف قانون اولمغله فسختی و اساس ماده نك رؤیتی استدعائی میندرلر .

معاون وکیلی مومی الیه مظنون علیه طنشک سلاح آتدیغی پولیس مأمورینک افاده سی و سلاحک یکی آتیش اولمسیله ثابت ایکن برانته قرار ویرلمسی یولسز اولدیغندن فسختی طلب ایتمکه تدقیقاتک ختامی بیلدیرلدی .

ایجاب کیفیت لدی المذاکره بالتدقیق ضبط ورقه سی تنظیم ایدن پولیس افندی نك جلبیه افاده سی آتیش و مومی الیه افاده سننده مظنون علیه ک سلاح آتدیغنی کورمیوب النده کی طبانجه هنوز آتیش و مظنونده طولدیرقمق اوزره بولنمش اولدیغنی بیان ایتسیله ضبطنامه مندرجاتی مظنونک لهنه اوله رق کسب وضوح ایش وشو حالده اتخا اولنان برات قراری موافق اصول اولمغله تصدیقنه وخرج محاکمه نك استیفا سننه محل اولدیغنه قابل تمیز اوله رق غیاباً و متفقاً ۱۶ رجب سنه ۳۳۰ و ۱۸ حزران سنه ۳۲۸ تاریخنده قرار ویرله رک اصول تفهیمی جانب ریاستندن علناً اجرا قلندی .

محکمه تمیز استدعا دائره سنده صادر اولانه ۱۹ ایلول سنه ۳۲۸ تاریخ و ۲۳۵۶ نومردلی اعلام صورته بر :

« خلاف ثابت اولنجیه دکن وثائق قانونیه جمله سنندن عد ایدلمسی لازم کان ضبط ورقه سی محکمه جه درجه کفایه ده کورلدیکی تقدیرده بونک اسباب موجب سننک بیانیله مذ کور ورقه نك زیرنده امضالری بولنا لیرک جلب واستماعندن ذهول ایدلمسی موجب نقضدر »

تکفور طاغی بدایت محکمه سی جزا دائره سنندن استینافاً تنظیم واعطا و ۱۸ حزران سنه ۳۲۸ تاریخنده امر تفهیمی اجرا قلنان قراری ناطق ایکی یوز سکسان نومردلو اعلامک تمیزاً تدقیق طلبی حاوی محکمه مذ کوره مدعی عمومی معاونلکی جانبندن معطی استدعایه ایله اوراق متفرعه سی باش مدعی عمومیلک مأموریت

بیه سندن بتبلیغنامه محکمه تمیز استدعا دائر سنه تودیع اولنش ولای التدقیق مذکور استدعایه مدت معینه قانونیه سی ظرفیده ویرلدیکی آکلاشلمش ایدوکنندن بالقبول تدقیقات تمیزیه اجراسنه ایتدار اولندی . اعلام مذکورک خلاصه مالی بلا ضروره محله آراسنده طبانجه انداخت ایتدیکی ادعاسیله مظنون علیه اولان طناشک برائتیه دائر لاحق اولان حکم ابتدائی علیهنده حقوق عمومیه مأموری جانبندن استیناف اولنمی اوزرینه سبق ایدن محاکمه و تدقیقات و نتیجه سنده اولبایده کی ضبط ورقه سی زیرنده امضاسی بولنوب اثنای تدقیقات ابتدائیه افاده سنه مراجعت اولنان پولیس مأمورینک بیانات واقعه سنه نظراً ورقه مذکوره مندرجاتنک مظنونک لهنه اوله رق کسب وضوح ایلمی اعتباریه موافق اصول وقانون اولان حکم ابتدائی مذکورک تصدیقته قرار ویرلدیکی متضمندر .

لایحه تمیزیه عندالاستیناف درمیان ایدیلان ادعا ومدافعانک برکونا اسباب موجبیه مستند اولقمسزین ردیه حکم ابتدائی مزبورک تصدیق ایدلمی یولسز ومغایر اصول وقانون ایدوکنندن بجنله اعلام مذکورک نقضی طلب اولنمش اولدینی کی تبلیغنامه ده دخی درجه ثانیه محکمه سنجه مدعی عمومیلک مقامنده توسیع تحقیقات یولنده عندالاستیناف جالبری طلب ایدیلان کسانک استماع وعدم استماعلری حقنده برقرار اتخاذی لازم کلورکن یولنده برقرار اتخاذ ایدلمش اولنمی نقض حکمی مستلزم اسبابدن کورلمش ولایحه تمیزیه ده بوکا متعلق اعتراض وارد ایدوکی بیانیله اعلام مذکورک نقضی لزومی کوسترلمشدر .

ایجابی لدی المذکره مندرجات اعلامدن آکلاشلدینی اوزره محله آرسنده سلاح آتدینی ادعا اولنان طناشک برائتیه دائر اولان حکمک عندالاستیناف تصدیقته قرار ویرلمش ایسه ده خلافی ثابت اولنجهیه دکن و نائق قانونیه جله سندن عد اولنمی لازم کلان ضبط ورقه سی محکمه جه درجه کفایه ده کورلدیکی تقدیرده بونک اسباب موجبیه سنک بیانیله مذکور ورقه نک زیرنده امضالری بولنانلرک جلب واستماعی احکام قانونیه اقتضاسندن بولنمش ایکن درجه اولی محکمه سنجه بولنردن یالکیز بریسی جلب ایدیلهرک دیکرلرینک استماع قلماسی موجب فسخ احوالدن اولدینی ومدعی عمومیلک مقامنک لایحه استینافیه سنده بوجهت اعتراضاً درمیان قلدینی حالده محکمه استینافیه جه بورالری نظردقته آلقمسزین نقصان تحقیقاته بناءً مظنون مزبورک برائتیه دائر اولان قرار ابتدائیک تصدیق جهته کیدلمی یولسز ومخالف اصول وقانون اولوب تبلیغنامه ایله لایحه تمیزیه محتویاتی وارد وبجا کورونمش ایدوکنندن اصول محاکمت جزائییه قانوننک اوچوز اون دردنچی و اوچوز اون طقوزنجی ماده لری موجبیه اعلام استینافی مذکورک بوسبیدن دولای نقضیه احکام قانونیه دائره سنده ایضای مامله اولنمی اوزره اوراق متعلقه سنک محکمه مذکوره یه اعاده سنه وایکی یوز غروش اعلام حرجنک تعرفه وتعلیمات مخصوصه سی منطوقجه بالاخره ایجاب ایدن طرفدن اخذینه ۱۹ ایلول سنه ۳۲۸ تاریخنده متفقاً قرار ویرلدی .

ارطغرل سنجائی برایت محکمه سی جزا دائره سنه صادر اولده ۲۹ تموز سنه ۳۲۸ تاریخلی
د ۴۲۶ نومرولی اعلام صورتییر :

« املاک مدوره اورمانندن بلارخصت آغاچ قطعی حقنده »

اینه کول قضاسی داخلنده کی املاک مدوره اورمانندن بلارخصت آغاچ قطع ایلدکاری ادعاسیله مظنون علیهما اولان دومانیچ ناحیه سنک کوچوک قریه سندن حاجی عمر و کوجه قریه سندن حاجی مصطفی نک بدایه بالحا که فعل مذکوره اجتسارلری ثابت کورلمشکه بولنردن حاجی عمر دن یدییوز و حاجی مصطفی دن طقوز یوز کسور غروش مع مصارف محاکمه تحصیلنه دائر قضاء مذکور بدایت جزا محکمه سندن صادر اولان فی ۱ مایس سنه ۳۲۸ تاریخ ودرتیوز اوتوزیدی نومرولی اعلامک استینافاً تدقیقی محکوم علیهما طرفلرندن استدعا اولنمغه بو بایده کی اوراق ارطغرل مدعی عمومی معاونی جمال بکک ۵ مایس سنه ۳۲۸ تاریخ و ۱۴۷۷ نومرولی تبلیغنامه سیله محکمه یه تودیع اولنوب دفتر مخصوصنک ایکی یوز طقوزنجی نومروسنه بعدالقیید یوم محاکملری ایچون تعیین قلنان اوچوز یکریمی سکز سنه سی حزراننک طقوزنجی جمعه ایرتمی کوننه طرفین محکمه یه دعوت اولنمشدی یوم مذکورده هیئت محکمه معاون مومی الیه حضوریه تشکل ایدوب باجلبنامه ورود ایدن مستأنف حاجی عمر و حاجی مصطفی ایله مستأنف علیه بیله جک اورمان معاملات مأموری شوقی افندی داخل محاکمه ایدیلهرک وجاهاً وعلناً اجرای محاکمه مباشرت اولندی .

بالاستیجواب مستأنف حاجی عمر بن ابراهیم قرق یاشنده رنجیر دومانیچ ناحیه سنک کوچوک قریه سندن و حاجی مصطفی بن همت قرق بش یاشنده رنجیر کوجه قریه سندن اولدقارینی سویلدکدن ولدی التدقیق بدایه ۲۷ شباط سنه ۳۲۷ تاریخنده تفهیم قلنان قرارک مرقومان حاجی عمر و حاجی مصطفی طرفندن ۲۸ شباط سنه ۳۲۷ تاریخنده استینافاً تدقیقی استدعا ایدیلوب مدت قانونیه سی ظرفیده ویرلدیکی آکلاشلان مذکور استیناف استدعاسنک قبولنه قرار ویرلدکنصکره مذکور استدعا ایله اعلام مستأنف به و تبلیغنامه صره سیله ضبط کاتینه جهراً قرائت ایتدیرلدی .

استدعایک خلاصه مالی اینه کول اورمان اداره سنک علیهلرنده اقامه ایتمش اولدینی بلارخصت آغاچ قطعی دعواسندن طولای جزای تقدیه اجرای مجازانلرینه قرار ویرلمش ایسه ده اشبو قراره بعده اعطای ایلدکاری لایحه لرنده درمیان ایده جکاری اسبابه منبی عدم قناعته استیناف دعوی ایلدکارینی راوی و اعلام ابتدائیک خلاصه مفادیده مظنون علیهما نک قوری دره نام محلدن ضبط ورقه سنده محرر یاش آغاچلری قطع ایتدکاری شاهدلرک علی الدرجات شهادتیه آکلاشلمش وحرکتلری اورمان نظامنامه سنک اوتوز اوچ و اوتوز بش و اوتوز یدنجی ماده لرینه موافق بولنمش اولدیغندن مادتین مذکورتن احکامنه توفیقاً حاجی عمر دن یدییوز قرق یدی غروش اوتوز یدی بیچق ساتیم و حاجی مصطفادن طقوز یوز آلتمش بش

غروش یتش بش سائیم جزای تقدینک تحصیلنه و یوز اوتوز غروش مصارف محاکمک مرقوماندن اخذ واستیفاسنه قابل استیناف اولمق اوزره اوچیوز اوتوز سنه سی ربیع الاولنک یکرمی برنجی و اوچیوز یکرمی یدی سنه سی شباطنک یکرمی یدنجی کونی و جاهاً اکثریتله قرار ویرلدیکنی حاوی و تبلیغنامه مفادی دخی انشای محاکمه ده بیان مطالعه اولمق اوزره اوراق دعوانک طاقیلنه محکمه یه تودیع قلندیغنی حاکیدر .

متعاقباً مستأفطر طرفندن اعطا و قیدی اجرا ایتدیریلان لایحه استینافیه دخی جهراً قرائت ایتدیرلدی . ۹ حزیران سنه ۳۲۸ تاریخله مورخ بولسان مذکور لایحه نک خلاصه مالی بارخصتنامه قوری دره موقعندن قوری آتاج آرامقده ایکن آخری طرفندن اولجه کسینلمش اولدیغنی مشاهدده ایلدیکمز آتاجلرک طرفلرندن قطع ایلدیکندن بجهتله اینه کول املاک مدوره اداره سنک شکایت واقعه سنه مبنی انشای محاکمه ده علیهلرنده شهادت ایدن بیجیجی ولی و خدمتکاری عباس و قوریجی محمودک یانلرینه کلوب یدلرنده کی رخصتنامه بی جبراً آلهرق هزاره کیتدکاری اعلامده مندرج اقرارلرله مثبت بولندیغنی کی مذکور رخصتنامه نک یدلرندن بویله جبراً آلمسی موقع مذکورده اولجه آخری و بلسکده بیجیجی ولی طرفندن قطع اولنش اولان یاش آتاجلر ایچون علیهلرنده افترا و اسناداتده بولمق مقصدینه مستند اولدیغنی اکلاشلیمش و چونکه بولرندن بیجیجی ولینک رخصتنامه لرینی یدلرندن آلوب ده بزم مقطعلری بیوز و یورلر دیه اورمان مفتشنه اخبار کیفیت ایتستک سبی ده حزارینه بعید بولنان تمغالی آتاج محملک نقلیاتدن برای استفاده یقینه یعنی حزاری قربنه کتورلمسی فکرنندن و مضرتلرنده منفعت شخصییه سنی آرامقندن ایلرو کلش و مؤخرأ بوکاده موفق اولمش و طومرقبی عباس دخی بونک خدمتکاری اولغله بالطبع علیهلرنده شهادت ایده جکی کی قوریجی محمود دخی ذاتاً اینه کول املاک مدوره اداره سنک موظف مأموری بولنغله بونک ده اداره نک لهنده ادای شهادت ایده جکی جهتله اشبو شهادتک نظاماً قبوله غیر شایان اولدیغنی و ثانیاً موقع مذکورده طرف آخردن قطع اولنش آتاجلرک کشف و معاینه سی ایچون عزیمت ایدن هیئت اختیاریه نک تحقیقاتی نتیجه سننده مذکور آتاجلرک قطعنده مدخللری اولمدیغنی و صرف افترا دن عبارت بولندیغنی و بالفرض قطع ایتش اولسه لر بیله مذکور قوری دره موقی من القیدم اوجوارده کی بش التی قرانک بالطهانی اولوب دائماً آتاج کسمکده اولدقلری تحقق ایتش ایکن بو جهتلرک انشای محاکمه ده نظر اعتباره آلماسی کذلک حقوق صریحه قانونیه لرینک ضیاعنی موجب بولندیغنی ثالثاً اینه کول املاک مدوره مأمورلرندن متوفی طلعت افندیکنک اوصیره ده کیفسزلکنندن ناشی اینه کول جزا محکمه سنندن بوبابده اولان سؤاله تحریراً و یردیکی جوابده شخص متعدده محضرنده کویا مذکور آتاجلرک طرفلرندن قطع ایلدیکنک اقرار ایلدیکی بیان اولنش ایسه ده اشخاص متعدده دیدیکی کیمسه لر کوجه و کوچک قریه لر هیئت اختیاریه سنندن عبارت اولوب مرقومان ایسه انشای کشفیاتده بویله بر اقرارک سبق ایتدیکنی افاده ایله ضبط ورقه سنک خلاف حقیقت و مومی الیهک کندی کیفنه کوره تنظیم ایلدیکی تحقق ایتش ایکن بو جهتک دخی محکمه ده قاله آلماسی و دیگر شاهد

ژانداره جلاله کلانجه بونک ده کندولرندن درت کولو حنطه طلب ایدوب ویرللمسندن بسله مش اولدیغنی خصوصته مبتنی اولدیغنی شهود متعدده ایله اثباته مهیا بولندقلرندن مغایرقانون اولان اعلام ابتدائینک فسخیله براتلرینه و بویوزدن وقوع بولمش و بوله جق ضرر و زیان و مصارفات سائر لرینک مشکی به تحمیلنه قرار اعطاسنی استرحامنی جامعدر .

لدى السؤال مستأفطر لایحه لرنده محرر اسبابه مبنی حکم ابتدائینک فسخیله محاکمه لرینک یکیدن بالرؤیه براتلرینه قرار ویرلمسی علی الانفراد افاده و مستأنف علیه شوقی آفندی ده حکم ابتدائی ضبط ورقه سیله مذکور ورقه بی تنظیم ایدن ذواتک شهادتیه مستند بولندیغندن و فسخی موجب اسباب بولندیغندن تصدیقنی طلب ایلدیله .

مطالعہ لری استفسار قلنان معاون مومی الیه جمال بک ده حکم ابتدائی ضبط ورقه سنی تنظیم ایدن ذواتک شهادتیه مبتنی و شهادت واقعه ضبط ورقه سی مندرجاته مخالف ایدو کندن اعلامک فسخیله یکیدن محاکمه اجراسنی ادعا ایتمکله بوجهتک مذاکره ایدیله جکی تفهیم قلندی .

ایجابی بالذاکره محکمه بدایتک حکمی ضبط ورقه سننده امضالری بولنان کسانک شهادتیه بنا ایدلمش و عند الشهادت شهود مرقومه ضبط ورقه سی وجهله مظلونلرک اقرارینه شهادت ایتوب یا لکیز قطعای مشاهدده ایلدکلرینی افاده ایله قاطعلرک کندولرنجه مجهول اولدیغنی درمیان ایتش و بنابرین حکم ابتدائی اسباب ثبوتیه یه اقتران ایتدیرلمیوب مظلونلرک حقتده مندرجاتی تکذیبه اوغرایان ضبط ورقه سنه ایتنا ایدلمش و بویسه فسخ حکمی مستلزم کورلمش اولدیغندن اعلام مستأنف بهک فسخیله یکیدن محاکمه اجراسنه قرار ویرلهرک بعدالفهم اورمان معاملات مأمورندن دعواسی استفسار اولندقده مظلون علیهمانک اورماندن قوری آتاج کسمک اوزره رخصتیه آلوب بعده یاش آتاجلری قطع ایتش اولدقلرندن و بوحالری ضبط ورقه سیله ثابت ایدو کندن مدعابه جزای تقدینک کندولرندن تحصیانی ادعا و مظلون علیهماده کندولری یاش آتاج کسمدکلرینی و آتاج قطع اولنان محل یول اوزری اولوب کیمک کسیدیکنی دخی کورمدکلرینی یکان یکان سویلدیلر .

لدى الاستماع معاون مومی الیهده مظلونلرک ادعا اولنان آتاج قطعی فعلنه اجتسارلری ثابت اوله مدیغندن براتلرینه قرار ویرلمسی ادعا و مظلونلرک کذلک براتلرینک تحت حکمه آلمسی انبا ایلرله ختام محاکمه تفهیم قلندی .

ایجاب کیفیت بالذاکره مظلون علیهما علیهنده تنظیم ایدلمش اولان ضبط ورقه سی مندرجاتی بدایه استماع قلنان شهود طرفندن تأیید ایدیلهرک بالعکس تکذیب ایدیلکه حکمه مدار اوله جق قوتدن ساقط قالمش و مرقومان علیهلرینه حکمه مدار سائر اسباب و دلائل ده کوریله مامش اولدیغندن بر موجب طلب براتلرینه و مصارف محاکمه اخذینه محل اولمدیغنه قابل تمیز اولمق اوزره رجب سنه ۳۳۰ و ۹ حزیران سنه ۳۲۸ تاریخنده و جاهاً و متفقاً قرار ویرلهرک اصول تفهیم علناً اجرا قلندی .

محكمة تمييز استعرا دائرة صدر اوله ۳ تمبرين تالي سنه ۳۲۸ تاريخي

و ۲۳۷۲ نورولي اعلام صورتيه :

« ضبط ورقه سي تخيم ايدنلرك ورقه مذ كوره مندرجاتي عندالحاكمه تصديق ايلمش اولمريشك نظر دفته آلميرق نقصان دلائلدين بحمله مظنونلرك برائته قرار ويرلسي مسلزم نقضدر »

ارطغرل سنجاني بدايت محكمه سي جزا دائره سندن استينافاً تنظيم واعضا و ۹ حزينان سنه ۳۲۸ تاريخنده امر تفهيمي اجرا قلنان ۲۹ تموز - سنه ۳۲۸ تاريخ و درتيوز يكرمي آلتى نورولى اعلامك تميزاً تدقيقى طلبنى حاوى محلى اورمان اداره سي جانبندن معطى استعدانامه ايله اوراق متفرعه سي باش مدعى عموميلك مأموريت بيه سندن با تبليغانامه محكمه تميز استعدا دائره سنه توديع قلنمش ولدى التدقيق مذ كور استعدانامه نك مدت معينه قانونيه سي ظرف سنده اعطا ايدلديكي آكلاشيلمش ايدوكندن بالقبول تدقيقات تميزيه اجرا سنه ابتدار اولندى .

اعلام مذ كورك خلاصه مالى : املاك مدوره اورمانندن بلا رخصت اشجار قطع ايتدكلى ادا اولنان حاجى عمر ايله حاجى مصطفى نك تحديد جزا رينه دائر بداية لاحق اولان حكمك مظنون مرقومان جانبندن استيناف اولنسى اوزرينه اسباب قانونيه دن ناشى فسخيله جريان ايدن محاكمه و تدقيقات استينافيه نتيجه سنده ميرز ضبط ورقه سي مندرجاتى بداية استماع قلنان شهود طرفندن تأييد ايدلديرك تكذيب ايدلسنه و حكمه اساس اوله جق بشقه جبه اسباب ودلائل كوريله مده سنه مبنى برائت رينه قرار ويرلديكى متضمندر .

لايحه تميزيه ده ضبط ورقه سي تخيم ايدنلردن طلعت افندى ايله زاندارمه جمال و قوريچى محمودك ورقه مذ كوره مندرجاتى عندالحاكمه تصديق ايلمش اولمريشك نظر دفته آلميرق نقصان دلائلدين بحمله مظنونلرك برائته قرار ويرلمش اولسك مغايرت قانونيه سندن بحمله اعلام استينافينك نقضى استعدا ايدلديكي تبليغانامه ده دخی افادات مسروده نك محكمه جبه شايان قبول كورلديكى حالده رد و تعليلنى موجب اسبابك توضيحي لازم كلوركن بوراسك محكمه استينافيه جبه تدقيق ايدلمش اولمى مغاير قانون ولايحه مذ كوره مندرجاتى وارد وبجا بولندي بيانيه سالف الذ كر اعلامك نقضى لزومى كوسترلمشدر .

ايجابى لى المذاكره محكمه استينافيه جبه املاك مدوره اورمانندن بلا رخصت اشجار قطع ايتدكلى ادا اولنان حاجى مصطفى ايله رفقاسك تحديد جزا ريني متضمن حكم ابتدائينك مندرجاتى شهادات ايله معلل اولان ضبط ورقه سنه مستند اولدينى اساسه عطفاً فسخ ايدلمش ايسه ده مندرجات اعلامه نظراً حكم مستأنف به ضبط ورقه سنه مبتنى اولمايوب شهود مستمع نك على الدرجات وقوع بولان شهادتانه مبتنى اولوب شهود مرقومه دن طلعت افندى ايله زاندارمه جمال و ولى و محمدك بيانات واقع لرى مظنونلرك اقرارينى

ومذ كور ضبط ورقه سي محتوياتى مؤيد اوله رق مع هذا محكمه استينافيه جبه بعدالفسخ شهود مرقومه نك جلب وائتماعى صورتيه اجراى تدقيقاته ابتدار وشو تدقيقات اثناسنده محل مذ كورك قرأى متعدده نك بالطله لنى اولديغنه دائر مظنونلرك سبق ايدن مدافعه لرى نظر دفته آلميرق آكا كوره اتخاذ قرار اولنق لازمكلوركن محكمه مذ كوره جبه تدقيقات ومحاكمات جاريه نك صور محرره توفيقى لزومندن بالذبول بوجه محرر برائت قرارى ويرلسي يولسز ومسئلزم نقض احوالدين اولوب لايحه تميزيه مؤداسى تبليغانامه ده دخی كوسترلديكى اوزره بو وجهله وارد وبجا كورنمش ايدوكندن اصول محاكمات جزائيه قانوننك اوچيوز اون دردنچى و اوچيوز اون طقوزنچى ماده لرى منطوقنجه اعلام استينافينك اسباب محرره دن ناشى تفضيله احكام قانونيه دائره سنده ايفاي معامله اولنق اوزره اوراق متعلقه سبك محكمه مذ كوره يه اعاده سنه وايكى يوز غروش اعلام خرجك تعرفه وتعليقات مخصوصه سنه توفيقاً ايلروده حقسز حقيقه جق طرفدن استيفاسنه ۲۶ ايلول سنه ۳۲۸ تاريخنده اكثريتله قرار ويرلدى .

اورنه دلايلى بدايت محكمه سي جزا دائره صدر اوله ۲۹ مابى سنه ۳۲۸ تاريخي و ۱۵۸ نورولى

اعلام صورتيه :

« ضرب دعواسى حفته »

عن اصل مناستراها ليدسندن اولوب داريدره نك شاهين قريه سنده بقالق ايدن يوسف اوغلى خالدى ضرب ايدلديكى ادعاسيله مظنون عليه اولان و شاهين قريه سنده بقالق ايدن مناستر ولايتك رقه قضاسندن خيره اوغلى اوتوز سكر ياشنده محرمك قانون جزا نك يوز يتمش طقوزنچى ماده سي موجبنجه بر هفته مدته حبسنه وسكسان غروش مصارف محاكمه كندوسندن تحصيلنه دائر داريدره قضاسى بدايت جزا محكمه سندن صادر اولان ۲۷ نيسان سنه ۳۲۷ تاريخ ويكرمى التى نورولو اعلام حكمه عدم قناعته استيناف دعوايى متضمن محكوم عليه مرقوم محرم بن خيره طرفندن معطى استعدا ومذ كور اعلام مع فقرات اجراى محاكمه طلييه لوا مدعى عمومى معاونلدى جانبندن ۴ مابى سنه ۳۲۷ تاريخي دركنارله تاريخ مذ كوره كوملجنه بدايت محكمه سي جزا دائره سبك استيناف قسمنه توديع قلنمغله بعدالمطالعه اصولاً تسطير وتسير قلنان جلبنامه لوده يوم محاكمه يه معين ۱۱ اغستوس سنه ۳۲۷ تاريخنه مصادف پنجشنبه كوني مدعى عمومى معاونى حسن لطفى بكك خانه سنده اسير فراش بولسسه ورئس لاحقك هنوز ورود ايتماسنه واعضا ملازم لردن رشيد افنديك بدايت حكمده بولنش اولسسه بناء هيئت حاكمه عدد قانونيسندن نقصان قالدني جهته رؤيت محاكمه قابل اوله مديغندن بالضرور امر محاكمه نك ۲۵ ايلول سنه ۳۲۷ تاريخنه مصادف بازار كونه تعليلى و طرفين ناملرينه يكيدن جلبنامه تسطيرى تسبيب اولندى يوم معلق مذ كوره مدعى عمومى معاونى حسن

لطفی بکک خصوصیات سائر ایلہ مشغولیتہ مبنی پرینہ وکالۃ النان اعضا ملازمین رشید افندی حاضر اولدینی خالدہ لدی التدقیق مستأنف محرم ومستأنف علیہ خالدہ ناملرینہ محرر جلبنامہ لک زہرینہ مرقومانک مملکتلرینہ کیتدکری بیانیلہ بالتبلیغ اعاده ایدلدیکی آکلاشلیمغلہ معاون وکیلی مومی الیہک طلی وجہلہ طرفین ناملرینہ یکیدن جلبنامہ تسطیریلہ بولندقلری محله تبلیغی ضمنندہ محاکمہ نک ۳۰ تشرین اول سنہ ۳۲۷ تاریخہ مصادف بازار کونسہ تعلیقہ بالذاکرہ متفقاً قرار ویریلہ رک تفہیم اولندی یوم معلق مذکورہ مدعی عمومی معاونی حسن لطفی بکک خصوصیات سائر ایلہ مشغولیتہ مبنی پرینہ وکالۃ النان اعضا ملازمین رشید افندی حاضر اولدینی خالدہ مستأنف علیہ یوسف اوغلی خالدہ علی الاصول تبلیغات ایفا قلنمش ایکن کلدیکی مباشر طرفین بالندا خبر ویرلش ومستأنف محرم بن خیراہ دبرہدہ ایکنجی صنف طاہورلرندہ ردیف اولوب سلاح التہ آلمش اولدینی جہتلہ اقامتکاکندہ زوجہ سنہ تبلیغ ایدلدیکی آکلاشلیمغلہ مطالعہ سنہ مراجعت اولنان معاون وکیلی مومی الیہک طلی وجہلہ مستأنف علیہ خالدہ غیابندہ دوام محاکمہ ومستأنف محرم نامندہ یکیدن جلبنامہ اسطاریہ ومحاکمہ نک ۴ کانون اول سنہ ۳۲۷ تاریخہ مصادف بازار کونسہ تعلیقہ بالذاکرہ متفقاً قرار ویریلہ رک تفہیم اولندی یوم معلق مذکورہ مدعی عمومی معاونی حسن لطفی بکک دبرہ جزا ریاستہ تعیین بیورلسنہ مبنی پرینہ وکالۃ النان اعضا ملازمین رشید افندی حاضر اولدینی خالدہ مستأنف محرمک اولبابدہ کی جلبنامہ سی ظہرندہ مرقومک الیوم عسکر ایدوکندن اقامتکاکندہ زوجہ سنہ تبلیغ ایدلدیکی محرر ایدوکی کورلیمگلہ مطالعہ سنہ مراجعت اولنان معاون وکیلی مومی الیہ مرقومک غیابندہ دوام محاکمہ قرار ویرلستی طلب ایتکگلہ بالذاکرہ مستأنف مرقوم محرم نامنہ یکیدن جلبنامہ تسطیرینہ ومحاکمہ نک ۸ کانون ثانی سنہ ۳۲۷ تاریخہ مصادف بازار کونسہ تعلیقہ متفقاً قرار ویریلہ رک تفہیم اولندی یوم معاق مذکورہ مدعی عمومی معاونی حمید بک حاضر اولدینی خالدہ مستأنف محرمہ علی الاصول تبلیغات قانونیہ ایفا قلنمش ایکن کلدیکی مباشر طرفین بالندا خبر ویرلیمگلہ معاون مومی الیہک طلی وجہلہ غیابندہ دوام محاکمہ متفقاً ویرلان قرار بعدالتفہیم ضوابط سابقہ بالقرائہ مندرجاتی تصدیق اولندقدن صکرہ اولوجہلہ اجراسنہ باشلانیلان محاکمہ علیہدہ لدی التدقیق حکم مستأنف بہک ۱۶ نیسان سنہ ۳۲۷ تاریخہ تفہیم واستیناف استدعا نامہ سنکدہ ۱۶ نیسان سنہ ۳۲۷ تاریخہ اعطا وقید ایدلدیکی کورلسنہ مبنی مدت قانونیہ سی ظرفندہ ایدوکی آکلاشلیلان استدعا مذکورک معاون مومی الیہک طلی وجہلہ متفقاً قبولی قرار کیر اولہرق افہام اولندقدن صکرہ اوراق لازمہ دعوی صرہ سیلہ ضبط کاتبہ جہراً قرائت ایتدیرلدی اوراق مذکورہ دن اعلام ابتدائیک حکم خلاصہ سی : مدعی خالد بن یوسفی ضرب ایدلدیکی ادعاسیلہ مظلون علیہ محرم بن خیراہ حقندہ اجرا قلنان محاکمہ نتیجہ سنندہ مظلون مرقومک فعل مذکورہ اجتساری مدعینک حصر ادعای ومع القسم استماع انسان شہودک شہادانیلہ ثابت اولدیغندن قانون جزانک یوز یتیش طقوزنجی مادہ سی موجبہ بر ہفتہ مدتلہ حبسنہ وسکسان غروش مصارف محاکمہ نک کندوسندن تحصیلنہ

قابل استیناف اولق اوزرہ ۱۶ نیسان سنہ ۳۲۷ تاریخہ قرار ویرلدیکندن واستیناف استدعای مألیدہ حکم مذکور علینہ عدم قناعتلہ استیناف دعوی ایدر اولدیغندن ولوا مدعی عمومی معاونلکک درکناری مفادیدہ انشای محاکمہدہ بیان مطالعہ اولنہ جفندن عبارتدر بونک اوزرینہ مطالعہ سنہ مراجعت اولنان معاون مومی الیہ اعلام مستأنف بہ موافق اصول وقانون اولوب حکم واقع ایسہ اسباب ثبوتیہ سنندہ وفسخ حکمی موجب اسباب غیر موجود اولدیغندن اعلام ابتدائیک تصدیقہ قرار اعطانی طلب ایتکگلہ بالذاکرہ دعوی واقعہ یالکیز ضابطہ ژورنالہ سنندہ رؤیت و اعطای قرار اولدینی وحالبوکہ دعوی مذکورہ شکایتنامہ اعطانہ متوقف مواددن بولندینی جہتلہ اعلام مستأنف بہک بونقطہ دن فسخنہ متفقاً قرار ویریلہ رک بعدالتفہیم نتیجہ ادعای صوریلان معاون مومی الیہ بو جہت حقوق شخصیه تعلق ایدر مسائلدن اولدیغندن مظلون مرقوم محرمک ثابت اولان فعلدن طولای قانون جزانک یوز یتیش طقوزنجی مادہ سی موجبہ تعیین جزاسنی طلب ایتکگلہ شایان تدقیق بشقہ بر جہت کوریلہ مدیکندن ختام محاکمہ تفہیم قلندی .

ایجاب کیفیت لدی المذاکرہ مضرویتی ادعا اولنان خالدہ اوراق میانندہ اون کوندن زیادہ خستہ لغی موجب اولدیغنے دأرطیب راپوری وشکایتنامہ بولنامہ سنہ وقانون اخیر اصول محاکمہ متعلق ومخفف جزا اولقدن ناشی ماقبلہ شمولی درکار اولسنہ بناء قرار اعطاسی جائز اولدیغندن طلب واقمک ردیلہ بوبابدہ کی اوراقک مع تفرعات شکایتنامہ ایلہ محکمہ یہ تودیی حالندہ ایجاب قانونیسنہ باقلمق اوزرہ مدعی عمومی معاونلکی مأموریت علیہ سنہ اعادہ سنہ قابل تمیز اولق اوزرہ ۲ صفر سنہ ۳۳۰ و ۸ کانون اول سنہ ۳۲۷ تاریخہ طرفینک غیابلرندہ متفقاً قرار ویریلہ رک معاون مومی الیہ حاضر اولدینی خالدہ امر تفہیم جانب ریاستدن علناً اجرا قلندی .

محکمہ تمیز استدعا ادرہ مندرہ صادر اولدہ اشرف اول سنہ ۳۲۸ تاریخہ ۲۳۴۳ نومرولی اعلام صورتیہ :

« معاينہ راپوری موجود اولادینی خالدہ فعل ضربک التیامی اون کونی تجاوز ایتیان جرائعند عدیلہ شکایتنامہ اعطا ایدلامسنک سبب فسخ عدالندہرق اعطای قرار ایدلسی موجب تقضد »

کوملجنہ سنجانی بدایت محکمہ سی جزا دائرہ سندن استینافاً تنظیم و اعطا ۸ کانون ثانی سنہ ۳۲۷ تاریخہ امر تفہیمی اجرا قلنان ۲۹ مایس سنہ ۳۲۸ تاریخ و یوز الی سکز نومرولی اعلامک تمیز آتدقیق طلبنی حاوی محکمہ مذکورہ مدعی عمومی معاونلکی جانبندن معطی استدعا نامہ و اوراق متفرعہ سی باش مدعی عمومیلک مأموریت بیہ سندن بالتبلیغنامہ محکمہ تمیز استدعا دائرہ سنہ تودیع اولنمش ولدی التدقیق مذکور استدعا نامہ نک مدت قانونیہ سی ظرفندہ اعطا قلندینی آکلاشلیمش ایدوکندن بالقبول تدقیقات تمیز بہ اجراسنہ ابتدار ایدلدی .

اعلام مذکور خلاصه مالی یوسف اوغلی خالدی ضرب ایلدیکی ادا اولندان خیرالله اوغلی محرمک تجدید جزاسنه دائر بدایه لاحق اولان حکمک محکوم مرقوم جانبندن استیناف اولنسی اوزرینه شکایتنامه اعطا ایدلمش اولسی نقطه سندن فسخیله اولباده اجرا قلنان محاکمه استینافیه نتیجه سنده مضروبیتی ادا اولنان مرقوم خالدک اون کوندن زیاده خسته لغتی موجب اولدیغنه دائر طیب راپوریه شکایتنامه بولنامسنه و قانون اخیر اصول محاکمهیه متعلق و مخفف جزا اولسندن ناشی ماقبلنه شمولی درکار ایدوکنه بناء شکایتنامه اعطاسی حالنده ایجاب قانونیسنه باقلمق اوزره اوراق دعوانک مدعی عمومی معاونانکنه تودیغنه قرار ویرلدیکی متضمندر .

لایحه تمیزیهده معاینه راپوری موجود اولسادینی حالده فعل ضربک التیامی اون کونی تجاوز ایتیان جرائدن عدلیه شکایتنامه اعطا ایدلمه سنک سبب فسخ عداوانه رق بر منوال محرر قرار ویرلسی یولسز و مغایر قانون ایدوکندن بحالده اعلام استینافینک نقضی استدعا اولنش و تبلیغنامه ده دخی قانون جزانک یوز یتمش طقوزنجی ماده سنک علاوه سی اصوله متدائر اولوب احکامه متعلق اولمادینی و ماقبلنه شامل اولان شیر ایه اصوله تعقیق ایدن خصوصاتدن اولمایوب مخفف جزا بولنان احکامدن اولسنه مبنی لایحه تمیزیهده درمیان اولنان اعتراضات وارد و بجا ایدوکی بیانیه اعلام مذکورک نقضی لزومی کوسرلمشدر .

ایجابی لدی المذاکره جرم واقع سالف الذکر یوز یتمش طقوزنجی ماده قانونیه نک نشرندن مقدم ایقاع اولنوب حقوق عمومیه مأموری جانبندن حائر اولدینی صلاحیت دائره سنده مظنون مزبور حقنده اجرای تعقیباته ابتدار قلنش و ماده مذکورک مخفف جزا اولمامسندن و اصول محاکمهیه تعلقی بولنامسندن ناشی بو قبیل جرائم سابقهیه عدم شمولی درکار بولنش اولدینی حالده محکمه استینافیه جه مظنون مرقوم محرمک تجدید جزاسنی متضمن اولان حکم ابتدائینک شکایتنامه نک عدم موجودیتدن بالبحث فسخیله ادعای شخصی وقوعه تعلیقاً اوراق دعوانک مدعی عمومیلکه اعاده سی بولنده اتخاذ قرار اولنسی یولسز و مستلزم نقض احوالان اولوب لایحه تمیزیه مؤداسی تبلیغنامه ده دخی مرقم اولدینی وجهله وارد و بجا کورنش ایدوکندن اصول مذکورک اوچیوز اون دردنجی و اوچیوز اون طقوزنجی ماده لری منطوقجه قرار استینافی مذکور اعلامنک بو سیدن ناشی نقضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه اعاده سنه و ایکیوز غروش اعلام خرجنک تعرفه و تعلیمات مخصوصه سنه توفیقاً بالآخره ایجاب ایدن طرفدن استیفانه ۱ تشرین اول سنه ۳۲۸ تاریخنده اکثریتله قرار ویرلدی .

* *

باینه برایت محکمه سی مقرره دائره سنده صادر اولاده ۲۲ نisan سنه ۳۲۸ تاریخلی و اوتوز اوج

نومرولی اعموم صورتمبر :

« تمغا جزای تقدیمی حقده »

یانیلی پاچاندا زاده خیری افندینک اوچیوز یکریمی یدی سنه سی تمتع ویرکوسنک تسویه سی طلبنه دائر مچوه مال مدیریتدن تنظیم و مقام دفتر داری واسطه سیله تبلیغ قلنان اخبارنامه یی عدم قبول ایله اعطا ایلدیکی ۲۶ ایلول سنه ۳۲۷ تاریخلو پولسز بر قطعه اعتراضنامه یی حالیه قبول ایتسندن دولای تمغا قانوننک طقوزنجی ماده سنک الی اوج صره نومروسی و قرق سکز واللی یدی مده لری موجبجه یارم عثمانلی لیراسی جزای تقدینک تحصیلنه دائر یانیه دیون عمومیه مدیریتدن ویریلان ۱۵ مارت سنه ۳۲۸ تاریخ واون ایکی نومرولو مذکره موجبجه طلب اولونان جزای تقدینک تسویه سی حقنده یانیه اجرا دائره سندن ۳۱ مارت سنه ۳۲۸ تاریخیه تبلیغ اولونان اخبارنامه اوزرینه جزای تقدی طلبی حقنده کی مذکره مذکوره علینه اعتراضی حاوی مچوه قضاسی مال مدیری بکر صدقی مهریله و مچوه بدایت محکمه سی واسطیله یانیه بدایت حقوق محکمه سنه ویریلان ۳ نisan سنه ۳۲۸ تاریخلو اعتراضنامه اوزرینه تمغا قانوننک الی سکزنجی ماده سی احکامنه توفیقاً مذکور اعتراضنامه صورتنک مدت قانونیه سی ظرفنده یانیه دیون عمومیه مدیریتنه بالتبلیغ آلتان ۱۷ نisan سنه ۳۲۸ تاریخلی جوابنامه ایله اوراق متفرعه سی مرکز بدایت مدعی عمومیلکنه بالتودیع ۱۸ نisan سنه ۳۲۸ تاریخلو درکناره مطالعه سی آلمش اولمغله شهر مزبورک اون طقوزنجی کونی محکمه جه کیفیتک تدقیقه بالابتدار اوراق مذکور یکان یکان قرائت و تدقیق اولندی .

بونلردن اعتراضنامه نک خلاصه مالی مومی الیه خیری افندینک ویردیکی ورقه رسم تمغایه تابع اولدینی حالده بولدن عاری اوله رق مذکور ورقه یی قبول ایلدیکندن بحالده تمغا قانونی احکامنه توفیقاً دیون عمومیه اداره سنجه کنه یسندن یارم لیرا جزای تقدی تحصیلی طلب اولنقده ایسه ده سالف لذکر ورقه بر کون رسمیتی حائر اولمادینی کی علی طریق الفرض اعتراضنامه مقامنده عداولنق لازم کلسه بیله مال مدیری مأموری رأساً امر وحواله یه مأذن اولمادیغنه و بر مقامدن تودیع ایدلمدیکی جهته کائن لم یکن حکمنده عداوانه جنی طبیعی ایدوکنه بناء اولباده کی طلبنک ردی استدعاسندن و دیون عمومیه مدیریتنک ۱۷ نisan سنه ۳۲۸ تاریخلو جوابنامه سی مالی ده تمغا قانوننک طقوزنجی ماده سنک اوج صره نومرولی و قرق سکزنجی واللی یدی مده لری صراحتنه نظراً اعتراضات واقعه غیر وارد اولمغله بالرد مطلوب جزای تقدینک مع مصارف محاکمه حکماً تحصیلی استدعادن و مدعی عمومیلک مطالعه نامه سی ده دیون عمومیه مدیریتنک مدعیات و مدافعانه قارشی مچوه مال مدیری طرفندن درمیان ایدیلان اعتراضات غیر وارد اولدیغندن تمغا قانوننک قرق سکزنجی واللی

یدنبی ماده لری حکمنه توفیقاً کندیسندن مقتضی جزای نقدینک تحصیلنه قرار اعطاسی طلبندن عبارت اولدینی آکلاشمغله بعده ایجابی تأمل اولمق اوزره اول امرده پولسز اوله رق قبولندن دولای جزای نقدی طلبنه اساس اولوب دیون عمومیه مدیرینک مارالذکر مذکره سنده دیگر مذکره ایله اجرا دائره سینه تودیع ایدلینکی بیان اولونان مباحوث عنه پولسز ورقه ایله معترض مومی الیهک ورقه مذکوریه قبولنه دائر اولان تحریراتنک بررقطه صورت مصدق لریک دائره اجرادن جلب وتدقیقه قرار ویریلهرک اوجهله دائره مذکورهدن جلب اولونان اوراق مذکور صورتلری دخی لدی القرائه بونلردن هیچ بر مقامه خطاب ایدلیهرک یالکیز خیری امضاسیله ۲۶ ایلول سنه ۳۲۷ تاریخ حای اولوب قبولندن دولای جزای نقدی طلبنی مستلزم کوریلان ورقه نك مالی اخبارنامه نك مدت نظامیه نك مرورندن صکره کندیسنه تبلیغ ایدلینکندن ومحلی تحصیلداری تبلیغات واخطارات قانونیه ایفا ایدلینکسزین ماندره سندن ایستدیک قدر ساده یاغ آلوب صائدیغندن بختله آلتان ساده نك کندیسنه اعاده سیچون مال مدیرینه اوامر لازمه اعطاسی بیاندندن ومذکور ورقه نك معترض مومی الیهک مأموریتندن مقام دفترداری به اعاده سینه دائر اولان مارالذکر ۸ تشرین اول سنه ۳۲۷ تاریخ و اوچ یوز اون طقوز نومرولی تحریرات مالی ده حجز وفروخت اولونان ساده اوچ یوز یکرمی آلتی سنه سی تمتع ویرکو سیچون اولدینی واشبو اخبارنامه اوچ یوز یکرمی یدی سنه سی تمتع ویرکوسنه عائد بولندینی جهته حق اعتراضی باقی قالمق اوزره اخبارنامه نك قبول ایدیلرلیسی لزومی جواباً اشعاردن عبارت اولدینی اکلاشمغله ایجابی لدی المذاکره اعتراضنامه ماهیتنده اولدینی ومعارض مومی الیه طرفندن پولسز اوله رق قبول ایدلینکی ادعا اولنان مذکور ورقه نك هیچ بر مقام ومأموریتیه خطاب ایدلیهرک یالکیز خیری امضالی و ۲۶ ایلول سنه ۳۲۷ تاریخ حای بر ورقه مخصوصه دن عبارت اولغله برابر ورته مذکور اوزرنده قبوله دلالت ایدر هیچ برقید و اشارت بولنماسنه و ورقه مذکور نك مچوه مال مدیریتندن مقام دفتری به اعاده سینه دائر اولان مارالذکر ۸ تشرین اول سنه ۳۲۷ تاریخ و اوچ یوز اون طقوز نومرولو تحریرات مندرجاندن ايسه ورقه مذکور نك معترض مومی الیه طرفندن قبول ایدلمش عد اولنه جفته دلالت ایدر بر معامله نك وجودی شوبله طورسون بالعکس مذکور ورقه نك شایان قبول اولمادینی مصرح بولنسنه مبنی معترض مومی الیهدن طلب اولونان جزای نقدینک تحصیلنه محل اولمادیغندن دیون عمومیه مدیرینک بوابده کی طلبنک ردیله یوز غروش قرار خرجنک دیون عمومیه اداره سی نامه مدیر مومی الیهدن تحصیلنه ۱۹ نیسان سنه ۳۲۸ تاریخنده متفقاً قرار ویرلای .

حکمه تمیز استعدا دائره سینه صادر اولده ۳۱ تشرین اول سنه ۳۲۸ تاریخ
ر ۳۳۶۳ نومرولی اعلام صورتیبر :

« جزای نقدیسی طلب اولنان ورقه نك محکمه علیه دیون عمومیه اداره سی طرفندن نه صورتله اله ایدلینک تحقیقاتنه ابتدار اولنمکسزین اساس ماده نك تدقیقه کیریشیلهرک طلب واقع ردی مستلزم نقض اولدیغه دائر »

رسم تمغا جزای نقدیسندن طولای یانیه ولایتی مرکز بدایت محکمه سی حقوق دائره سندن تنظیم واعطا قلنان ۲۲ نیسان سنه ۳۲۸ تاریخ و اوچ نومرولو قرارنامه نك تمیزینی مستدعی محلی دیون عمومیه مأموری جانبندن مدت قانونیه سی ظرفنده معطی استدعایه و اوراق متفرعه سی باش مدعی عمومیک مأموربت بهیه نك مطالعه نامه سیله برلشدریلهرک محکمه تمیز استعدا دائره سنده تدقیق اولندی .
مذکور قرارنامه نك خلاصه مالی خیری افندی طرفندن اعطا اولنان پولسز ورقه ی قبول ایتش اولسندن ناشی مچوه مال مدیری بکر صدق افندیدن یازم آلتون جزای نقدی استیفاسی حقنده محلی دیون عمومیه اداره سندن معطی مذکره قارشو وقوعبولان اعتراضه مبنی جریان ایدن تدقیقات نتیجه سنده مذکور ورقه نك هیچ بر مقام ومأموریتیه خطاباً ویرلماش اولدینی کی اوزرنده قبوله دلالت ایدر برکونه قید و اشارت دخی کوریلهمش ایدوکنندن بختله ذکر اولنان جزای نقدینک تحصیلنه محل اولمادیغه قرار ویرلینکی متضمندر .
تمیز استعدا نامه سنده عرضحال ماهیتنده بولنان سالف الذکر ورقه نك برغروشلق بولدن عاری اولسندن ناشی قبول وموقع معامله یه وضع اولنمکسزین صاحبنه رد ایدلمسی اقتضا ایدرکن مومی الیه بکر صدق افندینک اشبو ورقه ی قبول ایتش اولسی جزای نقدی ایله مسئولیتی استلزام ایده جکندن بختله قرار مذکورک مذکورک نقضی استعدا قلمش ومطالعه نامه ده دخی اعتراض واقعک مندرجات اعلامه نظراً غیر وارد ایدوکی کوتلشدر .

ایجابی لدی المذاکره رسم تمغا قانوننه مخالف معاملاتی حای اولان اوراق وسنداتک اول امرده درستی کیفیتنک الی التبحی ماده قانونیه حکمنه موافق اولوب اولمادیغنک تدقیق لزومنه قارشو محکمه علیه جه مسئله حاضرده جزای نقدیسی طلب اولنان ورقه نك مدعی دیون عمومیه اداره سنبه نه صورتله اله ایدلینک تحقیقاتنه ابتدار اولنمکسزین اساس ماده نك تدقیقه کیریشیلهرک طلب واقع ردی یولنده اتخاذ قرار اولنمی مستلزم نقض احوال دن اولوب تمیز استعدا نامه سی محتویاتی شوصورتله وارد وبجا کورنمش ایدوکنندن اولبابده کی قرارنامه نك بوسیدن طولای قضیه اوراق متعلقه نك محکمه مذکوریه اعاده سینه ومبلغ مدعایهک یوز غروشندن دون اولسی حسیله تعرفه وتعلیمات مخصوصه سی موجبجه اعلام خرجنک عدم استیفاسنه ۹ تشرین اول سنه ۳۲۸ تاریخنده متفقاً قرار ویرلای .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنک لیسته سی
(مابعد)

اوراق نومروسی	اسامی محاکم	میز	میز علیہ	نوع قرار	تاریخ قرار
۲۷	۳۳۹۳	موصل استیناف تجارت صفی مصطفی چابی	سلیم چلی	تصدیق	۹ نیشان سنه ۳۲۸
۲۸	۳۷۵	قلعه سلطانیہ بدایت	محمد چاوش	حفیظه	»
۲۸	۳۴۶	کوملجنه بدایت	حاجی حافظ علی افندی محمد اولادری	نقض	»
۲۷	۳۸۳	اشقودره بدایت	قول جوجه	ادم	»
۲۸	۴۳۴	دکزی بدایت	حاجی محمد	عمر واحی	»
۲۷	۳۱۴۹	ملاطیه بدایت	عبدلحمیم بک	بلدیہ دائره سی	تصدیق
۲۸	۱۶۱	ایدین استیناف	اریکلی قریه اہالیسی سامی بک	نقض	»
۲۸	۴۲۷	یانیہ بدایت	دیمتری واسیل	خرستو دولو	ضمانت و قسماً تصدیق
۲۷	۳۷۷۸	بک اوغلی ایکنجی حقوق اریستدی	مادام سینورق	تصدیق	»
۲۸	۴۳۶	قالقاندین بدایت	عبدالحمید	طاسہ	»
۲۸	۴۰۹	اسپارته بدایت	حسین	فاطمہ	۱۰ نیشان سنه ۳۲۸
۲۸	۴۲۶	طواس بدایت	اسماعیل ورفقاسیلہ	محمد علی اغا	نقض
۲۸	۲۸۶	کلیک بدایت	حسین	نوری پاشا	»
۲۸	۴۳۳	دکزی بدایت	حسن	عمر	»
۲۸	۴۰۷	تیکوش بدایت	راضیہ خاتون	مصطفی	»
۲۸	۴۱۶	جانیک بدایت	نیقولاکی واواتیا	افشاس	»
۲۶	۲۸۱۴	درسعادت استیناف	یحیی	النی قادین	»

اوراق
نومروسی

اسامی محاکم	میز	میز علیہ	نوع قرار	تاریخ قرار
۲۷	۲۵۷۷	ارغنی معدنی بدایت	مانوقیان مانوق و بنوس و جزار طیفور بک ورفقاسی	تصدیق
۲۸	۴۶۲	ناذلی بدایت	عایشہ خانم	حاجی علی
۲۸	۴۰۵	موش بدایت	کمو	ارشاق
۲۸	۱۷۲	پرزرین بدایت	بشقوہ قریہ سی اہالیسی لوچوہ قریہ سی اہالیسی نقض	»
۲۸	۴۱۴	اوشبہ بدایت	حسن اونباشی	ملا ابراہیم
۲۸	۴۰۳	کینی بدایت	اسلام وسائرہ	ابراہیم
۲۸	۴۱۲	معاغره بدایت	نظیف	یورکی
۲۸	۳۳۹	یانیہ استیناف	اقبال خانم	شفقت خانم
۲۸	۴۲۸	بغداد استیناف	جیلہ	خاخام ابراہیم
۲۸	۲۵۱	درسعادت استیناف	قلوبقرہ	عابدین افندی
۲۷	۳۰۱۲	مناستر تصحیح قرار	کورکی خرسٹو	پانچہ قریہ سی
۲۷	۳۴۹۰	قصوہ استیناف	استنجہ قریہ سی اہالیسی دلفوہ قریہ سی اہالیسی نقض	»
۲۷	۲۱۴	درسعادت استیناف	یورکی	قریہ اہالیسی و مالہ خزینہ سی
۲۸	۲۴۲	چوروم بدایت	مالیہ خزینہ سی	عمر افندی و کقلاس
۲۷	۳۸۶۰	قوزانہ بدایت	مالیہ خزینہ سی	خدیجہ خانم
۲۸	۲۰۵	بروسہ بدایت	ویجان	مالیہ خزینہ سی
۲۸	۴۰۲	سلسلہ ناحیہ مجلسندن	احمد ورفقاسی	حمدی
۲۸	۲۴۱	درسعادت استیناف	پولینہ	مالیہ خزینہ سی

اوراق نومروسی	اسامی محاکم	ممیز	ممیز علیه	نوع قرار	تاریخ قرار
۲۷ ۳۱۸۰	بروسه استیناف	جانب افندی	ستدیک زراج و خره بوس افندی	تصدیق	۱۵ نیسان سنه ۱۳۲۸
۲۸ ۳۴۰	یانیه استیناف	خایم بهودا	یناکی خرسو دولوپرو قیری	نقض	»
۲۸ ۳۶۶	در سعادت استیناف	یوان	اورام وارام قره مینان	»	»
۲۸ ۵۰۷	جزائر بحر سفید بدایت	میخال و برادرلری	نیقوله و نیکتہ	»	»
۲۸ ۳۰۰	ادرنه استیناف	قوچو	یورکی وطناش	تصدیق	»
۲۸ ۷۵	اواخری بدایت	سلیم	شوقی	نقض	»
۲۷ ۲۹۳۳	حلب بدایت	انطوان افندی	خواجه اوچین و ساره	»	»
۲۸ ۴۰۴	از میر تجارت	یوندی پرودرو میدیس	حابق الماسیان	»	»
۲۸ ۵۰۱	بولو ادین بدایت	محمد افندی	احمد	»	»
۲۸ ۳۶۹	در سعادت استیناف	خیریه خانم	عبدالقادر افندی حضر تلی	»	»

(مابعدی وار)

قانون مجازات

اون ایکنجی مبحث

اجانب علیهنده محاکم جزائیة عثمانیه دن صادر اولان اعلاماتک صورت تنفیذی

— کچن نسخه دن مابعد —

حالبوکه بالاخره ۱۲۹۹ (م ۱۸۸۱) تاریخده آوستریا ایله حکومت عثمانیه بیننده حاصل اولان ائتلاف و موافقه نظراً آوستریا و مجارستان تبعه سی محکومیت جزائیة لرینی قونسولوس و مناسب حبسخانه لر موجود اولوق شرطیله ممالک عثمانیه نك هر بر قسمنده کوره بیله جککری و شو قدرکه حبسخانه لر قواعد حفظ الصحه یه موافق بولمیدینی و یا محبوسین سوء معامله یه معروض براقلدینی تقدیرده قونسولوسلر دولت متبوعه لری تبعه سندن اولان محبوسینک ولایت مرکز لرینه نقلی طلب ایده بیله جککری و حبسخانه لر صحتی خل بر حالده اولدقدن بشقه جرائم عادیه محکومینی جنایت محکوملریله برلکده بولندیرلیوب هر ایکی قسم محکومینک آیری آیری محارده اقامه ایدلمسی نقرر ایلمشدر .

اما روسیه آلمانیا و هولانده حکومت عثمانیه ایله عقد ایتیش اولدقلری معاهدات عتیقه ده هیچ برکونا صراحت بولنماسنه رغماً محاکم عثمانیه طرفندن تبعه لری علیهنده صادر اولان اعلامات جزائیة نك حبساً تنفیذی کندی قونسولاتولری معرفتیه وقوعه کتیرلمک لازم کله جککری ادعا و بوبابده یساروفچه معاهده نامه سنک سالف الذکر بشنجی ماده سنه واک زیاده نائل مساعده ملت معامله سنه استاد ایدرک محاکم عثمانیه جه محکومیت جزائیة دوچار ایدیلان تبعه لرینک حبسی اساساً کندی قونسولاتولرینه عائد اولدقدن باشقه بر عصر دن زیاده بو حقی استعمال ایلدکلرینی و ۱۲۹۵ (م ۱۸۷۷) ده اوستریانک بو حقی ترک ایتسی کندی لرینک ده آنی ترک ایلش اولسنی انتاج ایده میه جککری و مذکور ماده ایله بر عصری متجاوز مدت طرفنده تأسس ایدن تعامل اقتضاسنجه تحقق ایدن حال حکومت عثمانیه ایله کندی اره لرنده بر عقد ضمنی ماهیتی حائز اولسنه منی آنک تبدیل و تغییر ی باب عالی ایله بینلرنده بر عقد مستقل ایله تحصیل ایده بیله جککری و حکومت عثمانیه ایله آوستریا بیننده بالاخره یانلش اولان مقاوله احد طرفندن معدود اولدقلری جهته کندی حقلرنده مؤثر اوله میه جککری بیان ایلورلر .

بوابده باب عالينك نقطه نظری شودرکه : برعثمانی به قارشو ایقاع جرم ایدن اجنبی علیهنده جریان ایده جک تحقیقات و محاکمات قایتولاسیونلرک صراحتی ایجابجه حکومت عثمانیه عائد اولوب حالوکه بوابده کی وظیفه ده شبهه سز انفاذ حکم دخی ضمناً داخل اولق ایجاب ایدر. زیرا انفاذ مجازات ده اعطای حکم حقنک لازم غیر مفارقیدر ؛ اعطای حکم صلاحیتندن حق اجرایی تفریق ایچون بر صراحت عهدیه ایجاب ایدرکه بو الحاله هنده موجود دکلدر . دیگر طرفدن حکومت عدلیه عثمانیه اسکیدنبرو اجنبی حبس و حقلرنده سائر احکام جزائیهی انفاذایدر ایدی که بو حال برتعامل قوت و ماهیتی حائزدر؛ دولتك اوتهدنبرو حائز اولدینی شوقی اول زمانلر دوچار اعتراض اولمايجه اعلامات جزائیهنک اجرایی بر اصول وقاعده تابع و مأمورین مخصوصه به مودوع بولندینی و دارالمجازاتلر پیدری اصلاح ایدلرکه اولدینی شو زمانده حکومتک بو حق و صلاحیتی بحق قبول ایتک درجه وجوده در. کرچه اوستریانک غیری حکومتلر کنديلری ایچون بو حق سابق الذکر اوستریا قایتولاسیوننک بشنچی ماده سنه واک زیاده نائل مساعده ملت قاعده سنه ابتداء طلب ایدیورلر سده اوستریا بو حق اسقاط ایتش واصل ساقط اوانجه فرعک ده سقوطی قواعد مسلمة حقوقیه ایجاباتندن بولمشدر. دیگر طرفدن روسیه ایله بوابده اکاپرو اولان حکومتلرک نقطه نظری قبول ایتسهک پک غریب و قواعد حقوقیه کلیاً مغایر بر نتیجه به واصل اولورز ؛ فی الحقیقه مذکور حکومتلر محاکم عثمانیه دن جزاء محکوم ایدیلان تبسعه لرخی قونسولاتوری معرفتیه حبس ایتک حقی حائز اولنجه واک زیاده نائل مساعده ملت قاعده سنه بناء اوستریانک ده بو حق و صلاحیتی حائز اولسی اقتضا ایله جک که بوسورتده اوستریا بر طرفدن بو حق ترک ایتسنه رغماً دیگر طرفدن ینه بوسصلاحیتندن مستفید اوله جق دیمک اولور ؛ بو قدر غریب وقواعد اساسیه حقوقیه به صوک درجه مخالف بر نتیجه بی استلزام ایده جک ادعا ایسه هیچ بربرده هیچ بر زمان محل قبول بوله ماز .

آمریکا و باجیقا حکومتلری ایسه اساساً حکومت سنیه و یا تبعه عثمانیه علیهنه بر آمریقایی و باجیقایی طرفندن ایقاع ایدیلان جرمک تحقیقات و محاکمات حکومت علیه عثمانیه عائد اولدینی قبول ایتاملری کیفیتنک نتیجه طبیعی و منطقیه بی اولق اوزره تبعه لرینک مأمورین عثمانیه معرفتیه بزم حبس خانلر مزده اکمال مدت جزائیه ایلستی قبول ایتبورلر .

انگلتره ، فرانسه ، اسپانیا ، اسوچ ، نوروچ و ایتالیا پساروچ عهده نامه سنک ماده معلومه سنه واک زیاده نائل مساعده ملت قاعده سنه بناء حائز اولدق لرخی درمیان ایلدکاری حبس حقی صراحتاً اسقاط ایتش اولماق له برابر فعلیات و تطبیقاتده تبعه لرینک عثمانی حبس خانلر لنده اکمال مدت جزائیه ایللری اوتهدنبرو قبول ایده کیشلدر .

معلوم درکه اعلامات جزائیهنک احتوا ایتدیکی مجازات جسمانیه peines corporelles کورک، قلمه بندلک، نفی ، و حبس جزالریدر . بونلردن کورک و قلمه بندلک جزالری تطبیقات حاضره سی اعتباریه حبس جزایی

ماهیتنده بولندیغندن آنک حقننده کی احوال تمامیه بونلر ایچونده جاری و وارددر. نفی جزاسنه کلنجه کرچه شمدی به قدر محاکم عثمانیه دن بر اجنبی علیهنده نفی جزاسنک اصدار و انفاذینه دائر امثال کوریه مامش ایسه ده اوله بر جزا ترتیب ایدلریکی تقدیرده محکوم اولان اجنبینک ضابطه عثمانیه معرفتیه منفا سنه سوق واعزام ایدلسی بر امر لازمدر .

جزای نقدی حکملرینک صورت تنفیذی . — اعلامات جزائیهنک احتوا ایتدیکی جزای نقدیلری یاقانون جزا احکامنه توفیقاً و یا پول ، مسکرات و سائر جزای نقدیلری کی قوانین خصوصیه به بناء حکم اولنان جزای نقدیلردن عبارت اولق اوزره ایکی به تقسیم ایتک ایجاب ایلر :

اولاً — محاکم جزائیه دن جزا قانون نامه سنه توفیقاً حکم اولنان جزای نقدیلری متضمن اعلام ، اگر باشد جه حبس جزایی ده حکم ایدلش ایسه بوجهت مدعی عمومیلکجه بعدالاجرا ، جزای نقدینک تحصیلی ضمنتده مدعی عمومی طرفدن در سعادتده محکمه تجارت اجرا مأموریتنه و طشره لرده اجرا مأمورلرینه تودیع اولنور ؛ اجرا مأموریتی ، قانون جزانک ۳۷ نجی ماده معدله سی صراحتی موجبجه ، محکوم علیه قونسولاتوسی واسطه سیله بر اخبار نامه تبلیغ ایدر ؛ تاریخ تبلیغدن اعتباراً ایکی آی طرفنده محکوم علیه جزای نقدی تأدیه ایتمز و یا ایده منر ایسه مذکور مدنک ختامی متعاقب اولباده کی اعلام ، تأدیه اولنماش جزای نقدی بالمحا که حبسه تحویل قلمق اوزره ، مدعی عمومیلک اعادة و بالطلب محکمه جده ایجاب قانونیسی اجرا اولنور.

ثانیاً — پول الصاق لازم کلان بر اوراقه هیچ پول الصاق ایدلماش و یا خود نقصان یا بشدیرلش و یا الصاق اولنان پول اصولی دائره سنده ابطال قلمماش اولدینی کورن بر محکمه و یا مأمور رسمی طرفندن ، تمغا قانونی موجبجه ، کیفیتندن واجبی حقننده حکم ایتدیکی جزای نقدیدن باحث اوله رق تنظیم قلمنان مذکره (قرار نامه) و اگر محکمه به مراجعت ایدلش ایسه اولباده کی اعلام در سعادتده محکمه تجارت اجرا دائره سنه [۱] و طشره لرده اجرا دائره لرینه تودیع اولنور ؛ بونک اوزرینه اجرا دائره سنندن محکوم اولان اجنبی به سکنز کون طرفنده محکوم به جزای نقدی بی و ایجاب ایدن پول بدلی تسویه ایتسی با اخبار نامه تبلیغ ایدیلور ؛ سکنز کون طرفنده محکوم علیه اولان اجنبی جزای نقدی بی و پول بدلی تماماً تأدیه و یا ایدر سه حکم اجرا ایدلش و معامله ختام بولش اولور ؛ تأدیه ایتزسه امتناع ایلش عد اوله رق ، حقوق عادیه محکوم بهاده اولدینی کی ، جزای نقدینک تأمین استیفاسی ایچون محکوم علیه اموال و اشیا سنک حجز و توقیفنه قرار اعطا و حجز اجرایی قونسولاتویه تحریراً اشعار و قونسولاتوجه حجز اجرا ایدلریکی تقدیرده ایتدیرلنجه به قدر کیفیت تأکید اولنور ؛

[۱] اعلامات حقوقیه نک صورت تنفیذینه متعلق بحث مخصوصده تفصیل ایتدیکنز وجهله هرمانکی محکمه دن صادر اولور سه اولسون اجانب حقننده کی اعلامات مجازات جسمانیه دن ماعدا احکامنک حین اجراسننده در سعادتده اجرا دائره سی توسط قنور ؛ اما طشره لرده آروجه تجارت اجرا دائره لری بولندیغندن بونملو حکملرک تنفیذی ده بدایت حقوق محکملری رئیس لرینک تحت اداره لرنده بولنان اجرا دائره لری معرفتیه وقوعه کلیر .

حجز اجرا ايدانجه قونسولاتو معرفيله اشياى محجوزه فروخت ايديلهرك جزاى نقدى ومصارف اجرايه تحصيل قنور. والحاصل اشبو جزاى نقدى قرارنامهسى اجانب حقندهكى اعلامات سائر كهى تنفيذ اولنور. مسكرات رخصتیه سی استحصال ويارسم تحصيلي ايفا ايدلامسندن دولايى حكيمى ايجاب ايدن جزاى نقدى دخی دیون عمومیه مأمور لر بنك طلبی اوزرینه محكمه لرجه بالتدقيق حكم اولنور واولباده استحصال اولنان اعلام در سعادته تجارت اجرا دائره سته وطشره لرده دوائر اجرايه به بالتوديع بالاده تفصيل اولنان دائره ده معامله اجرا ايدیلور .

اجانبیدن مصارف محاکمات صورت تحصيلي . — محکومیت جزائیه دوچار اولان اجانبیدن قبل الحکم اخذ واستيفاء ايديله ماش اولان اعلام واستنطاق خرچلری وطیب وشهرد مصارف ضروريه سی كهى مصارف محاکمه اكر بعد المحکومیه طوفريدن طوفری به استيفاء قلنه مازسه ، اولباده كى اعلام جزائيك حبس وجزاى نقدى كهى احكامى مدعى عمومیه كجه بعدالاجرا ، يالکز مصارف محاکمات تحصيلي امرنده مذکور اعلام در سعادته تجارت اجرا دائره سته وطشره لرده اجرا دائره لرينه توديع اولنور ؛ اجرا دائره سی ده محکوم عليه اولان اجنبیه ، حقوق عادیه محکوم بهاده جاری اولدینی وجهله ، سکز کون ظرفنده مصارف محاکمیه تأديه ایتیمی لزومی مشعر براخبارنامه تبلیغ ایلر؛ مذکور سکز کون نهایتده محکوم عليه مصارف محاکمیه تسویه ایتیمزه بوباده كى اعلام ، جریده عدلیه كى یکریمی دردنجی نومرو سنده نشر واعلان اولنان ۳۰ تشرین اول سنه ۳۲۶ تاریخی تحریرات عمومیه موجبجه تحصيل اموال قانوننك مواد مذبله سی حکمنه توفیق معامله اولنق اوزره ، مدعى عمومیه كجه اعاده قنور ؛ مدعى عمومی طرفدن دخی ، سائر تکالیف امیریه مدیونلرینه تحصيلات قومسیونلرنجه تطبیق ایدلکده اولان قاعده قانونیه دائره سنده معامله اولنق اوزره ، محلی تحصيلات قومسیونى واسطه سیله وتحصيل اموال قانونی دائره سنده مصارف محاکمه تحصيل ایتدیریلور. اعلامات جزائیه كى اجانب علیه اولنق اوزره رد اموال وتضمینات كهى حقوق شخصیه محکوم بهایه متدائر جهاتی دخی اجانب علیه صدر ایدن اعلامات حقوقیه كى تابع اولدینی اصول مخصوصیه ومبحث مخصوصنده تفصيل ایدیلان مراسم توفیقاً در سعادته تجارت اجرا دائره سته وطشره لرده دوائر اجرايه معرفيله تنفيذ قنور.

(مابعدی وار)

تجارت بحریه محکمه سی اعضاسندن

جمال الدین وهرامه آصارور

اعاده اعتبار

پرتاجرك اظهار افلاس ايله جبهه اعتبار وحیثيته مسلط اولان نكته كى رفع وازاله سی ، ساقط اولان حقوق سیاسیه وتجاریه سی یكى باشند نه لده ایده بیلیمسی ایچون نه كی طریق ومراسمه توسل ایتیمی وهانکی محکمه به مراجعت ایتیمی ايجاب ایده جکندن بحثه لزوم یوقدر . بوجهتلر بکون اتفاقله دکلسه ده اکثریت آراء ايله همان تماماً تعین ایتیمش ، صوك حصه نصیبه سی آلمش كی در .

بزم موضوع بحثمز هنوز طبقات محاکمندن کچیرلمه مش ، حتی آراء حقوقیه سته بيله عرض ایدلمه مش اولمقاه حالاً حال بکارتده بولنان اسئله آتیه اوله جقدر .

س ۱ — . اعاده اعتبار ایتیمك ، آئنده كى لوت افلاسی سیلمك حسنیه بسلیمن بر مفلس قوتقورداتو عقیده ساقط اولان دیونی دخی تأديه ایتیلدر ؟

س ۲ — . بوارزوی اظهار ایتیمك ایستین مفلس مرور زمانه اوغرامش بورجلیری ده اوده ملی میدر ؟

س ۳ — . بوامله بولان مفلس ماصه سی قوتقورداتو عقدی ویا اونیون صورتی ايله نتیجه لندکدن صوکره ذمتنه ترتب ایدن دیوناتی دخی ایفایه مجبور میدر ؟

س ۴ — . اعاده اعتباره ویا اولباده كى طلبك ردینه دائر ویریلان قرارده قابلیت استینافیه وتیمیزیه واریدر ؟

۱ — . مکتب حقوقده کالات علمیه وحقوقیه لرندن بیکلرجه تشنکاتی حصه مند فیض وعرفان ایش اولان اساتذده محترمه نك « مصالح افلاسیه ایستر قوتقورداتو ، دیلرسه اتفاق صورتیه نتیجه لیمش اولسون بر مفلس بقیه دیونی رأس المال وکذشته ومصارفیه برابر حبه واحدهیه وارنجهیه قدر تأديه ایتیمه كجه اعاده اعتبار طلبنده بولونه مایه جنی وهبه وایرایی انتاج ایدن قوتقورداتو اختیاری اولمایوب جبری اولدیفندن بو ابرانك اعاده اعتباره فائده وتائیری اوله مایه جنی » یولونده كى مطالعه لرینی برنجی وایکنجی سؤالره جواب تاقی ایتیمکه اصابت یوقدر چونکی مطالعات واقعه بر جواب اولنق اوزره درمیان ایدلمش اولمایوب بلکی ماده قانونیه یی شرح وایضاح صدنده سویلنمشدر .

شوحالده مسئله یی بحق تدقیق ایتیمك ایچون مفلسك داینلری ، بری قوتقورداتو عقدینه موافقت و آنی امضا ایدن ، دیگرى ده عدم موافقت بیانیه امضادن استنکات ایلدن آلا جقلیلر اولنق اوزره ایکی به آیرمالیدر. فی الحقیقه هبه یی وبالنتیجه ابرایی تضمن ایدن قوتقورداتو احکامنه رعایت ؛ ایکنجی قسم داینلر حقنده مجبوری اولوب قوتقورداتودن متحصل هبه وایرانك آنلره شمولی اوله مامق وبناء علیه اعتبارینك اعاده سی طلبنده بولونان مفلس اشبو قسم داینلره اولان بورجی کذشته ومصرفیه برلکده تماماً اوده مك لازمکیر .

برنجی قسم داینلر ایسه بونلر وقتیه عقد اولونان قوتقورداتویه اظهار موافقت و آنی امضا ایتیمش اولمالریله

بقية مطلوبه بريني مفلسه هبه و ذمتي ابراء ايلش اولور لركه قانون ؛ و ابرانك حكمنزلكني و بوجهه ساقط اولان ديونك تكرار مفلسك ذمتيه عودتي ياقونقور داتونك فسخ و انفساخه اوغرامسنة و ياخود مفلسك ايكنجي دفعه اعلان افلاس ايلسنة حصر ايدنيور .

بناء عليه اعاده اعتباريني استدعا ايدن مفلسك اشبو ايكنجي قسم دايئلره قونقور داتونك ناطق اولديني بدل صلحدن باشقه پاره و يرمك مجبوريتنده اولماديغي تصديق ايتليدر .

ذاتاً قانونك « مفلس اولان كمسه دني اولان بالجله مبالغتي رأس المال و گذشته و مصارفيله برلكده تماماً تاديه ايندكدن صكره اعتبار سابقى اعاده به نائل اوله بيلير » عبارته سيده بو صورتى مؤيددر . في الواقع مفلس ايكنجي قسم دايئلره انجق بدل صلحي مديون و آنى و يرمكه مكلفدر .

كرچه بو وجهه مطالعه دخي قونقور داتوني امضادن استنكاف ايدنلرك امضايه موافقت ايلانلردن زياده استفاده لريني موجب اوله جنى جهته اكثر يا قونقور داتو عقديني اشكال ايتك كي محاذير توليد ايدم بيلير سيده وجودى محقق اولان قواعدك استلزام ايلديكي احكام ؛ وقوعى موهور بولونان احتماللره فدا ايديله ماز .

ثانياً مفلس كي بر فلاكت زديه ابراز معاونت صره سنده علاقه دارلرك منافع ماديده دن زياده منافع معنويه نك تاثيراته تابع اولدقلى و يعنى مسلكداش لريني دوچار اولديني مصيبتدن قورتارمق حسنده بولو . ندقلى سبق ايدن تجربه لرله مرتبه بداهته كمشددر .

۲ — بزده تقادم زمان نه بر حقت سقوطنى نده ثبوتى مستلزم دكلدر . يعنى نه اسباب تملك ، نده برائت مياننه كيره مز . انجق تحققي حالنده قبوله مقارن اولميان حقدن طولايي كندويه عرض اولونان دعوايي استماعدن حكامى منع ايدر . كرك شو اساسه و كركسه قانونك اطلاقه نظراً مفلس ذمتنده كي مطلوبى هنوز استيفا ايدمديكندن بختله اعاده اعتبار طلبنه اعتراضده بولان والا جنى و قتيله ماصه جه قبول اولونمش اولان دايئه قارشو مفلس ؛ مرور زماندن بحث ايدمديوب دينك تاديه ايدلديكني ، و يا ذمتك ابراء اولونديغي موضوع بحث ايدم بيلير .

ثانياً . ايكي بدبخت ؛ برى حقوق مدنيه درجه سندن ، ديكرى حقوق سياسيه و تجاريه مرتبه سندن ساقط اولمش . برى مرور زمانله حق تعقيب و جزايي اسقاط ايتمش ، ديكرى ده عين سببدن استفاده املنه دوشمش ، برنجينك صراحت قانونيه به مبنى اعاده حقوق ممنوعه دن محروم طوتولسنة قياساً تقادم زماندن استفاده ارزوسنده بولان ايكنجي بده اعاده اعتبار ايتديرلمك لازم و مقتضى اولور . چونكه برنجي ده تعقيب اولونان مقصد جزاسنى چكمله اصلاح حال ايتمش اولمش ، ديكرنده كوزد ديبلان قايله دخي ديونتي تاديه ايتكمه و يا عفو اولونمش اولمقله دايئلرى ارضا ايلش بولونمسيدير .

وقتيله هر نه صورتله اولورسه اولسون ماصيه قبول ايتديرلماش ، و يا ماصه ايكي صورتدن بريله نتيجه .

ايندكدن صوكره ذمتيه ترتيب ايتمش اولان مدعا به دن طولايي اعاده اعتباريني ايستين مفلسك ؛ مرور زمان ادعاسى حقنى قبول ايتمه مك حقتزلق اولور .

اعاده اعتبارده هبه و ابراني معتبر طوتومايرق هر حالده تادياتى شرط اتخاذ ايتك واضع قانونك نقطه نظرينى كوزتمه مك ، مقصوددن زياده الفاظه حرمت ايتك و هبه و ابرانك دخي اسباب تملكدن برى اولديغي خاطر لامامقدر .

بناء عليه دايئلرينى ارضا ايله ابرانامه استحصال ايدن مفلسك اعاده اعتبارينه مانع اولمق انصافسزلق اولور .
۳ — قانونك اعاده اعتبارده تاديه سنى شرط ايتديكي ديون ، مفلسك حيثيت تجاريه سنه مالك بولونديغي برزمانده ذمتيه ترتيب ايدوب ولوسه دولاييسيله اولسون اعتبار تجاريه سنه تاثير ايدن و آز چوق افلاسده علاقه سى بولونان ديوندر .

شو حالده ماصه قونقور داتو ، يا اوتيون صورتلرندن بريله نتيجه لندكدن صوكره مفلسك ذمتيه ترتيب ايدن ديون ؛ اعاده اعتباره مانع اوله ماز .

ثانياً ، افلاسدن مقدمكى ديون ايچون باشلوجه تايمينات ؛ افلاس ايله دوچار زوال اولان و حالاً اعاده سى طلب اولنان اعتبار اولوب حالبوكه بعد الافلاس دينده بوخصوص دايئك فكرندن بيله كچمه مشدر .

ثالثاً ، مديونى افلاسدن اولكي دينك ايفاسنه اجبار ايدمك بر طريق قانونى مفقود اولديني حالده بعد الافلاس وجود بولان دين ايچون حبس ، و اعاده اعتباردن صوكره ايكنجي دفعه افلاس طلمى ، كي وسائط قضائيه قانونيه موجوددر .

۴ — اعاده اعتباره اعاده حقوق ممنوعه كي بر لطف و مساعدت قانونيه دن عبارت اولمايوب مفلسك حقوق صريحه سى جله سندن اولسنة و هر حقت تابع تميز و يا استيناف بولنسنة نظراً اعاده اعتبار طلبنك ترويج و ياردينه دائر صدور ايدن قرارك دخي قابل استيناف و تميز بولنديني وارد خاطر اوله بيلير ايسه ده بويولده كي مطالعه و احكام قانونيه به ؛ واضع قانونك مقصد و مرامدن فضله معنا و يره رك احكام جديده وضع و علاوه ايتك ديمك اولديغندن قبوله شايدن دكلدر . زيرا واضع قانون بو مطالعه يي قبول ايتمش اولسه ايدى اولبابده كي استدعاسى — تعبير قانونى وجهه — قابل اسعاف اولميان مستدعى به طريق استيناف و تميزى كوسترديدم بر سنه ده انتظارى توصيه ايتمازدى .

ذاتاً قرار مذكور طرفين متخاصمينك جلب و دعوتيله اجرا قلنان تحقيقات و محاكمه مستنداً دكل بلكي يالكز مستدعى اعتبار طرفدن معطى اورا قك تدقيقته ابتناء و يرلمش بر قراردن عبارت بولونمسيده تابع تميز و استيناف اولماسنى مقتضى در .

بزم قانون تجارتك مأخذى اولان فرانسه قانوننده اعاده اعتبار استدعاليك تدقيقى و مقتضاسنك ايفاسى

خصوصك استئناف حقوق محكمه سنه عايدتي دخي بو مطالعه نك اصابتي مصدق در . شو قدر كه كيفي
حقوق عموميه دخي علاقه دار بولونديغندن باش مدعي عمومينك نقصاني تحقيقات و معامله به مستند اول
قرارك تقضي عدليه ناظرينك امريه محكمه تميزدن طلب ايده بيلمسي صلاحيتي قبول ايتميدر .
بغداد تجارت محكمه سي رئيسي

نؤار



اعلان

اوچيوز يكرمي سكر سنه سي شهر ميسنك يكرمي سكرنجي كيجه سي قسطارو قريه سي مختاري اسپرو
جاني به قتل قصديه سلاح انداخت ايلديكي اداسيله آيدن ولايت جليله سي هيئت اتهاميه سنك ۹ ايلول
سنه ۳۲۸ تاريخ و طقوز فرق درت نومرولي عدولي مضبوطه سيله اتهام اولنان قسطارو قريه سي سا كنارندن
اورته بويي الاكوزلي سياه قاشلي بغداد چهره لي سياه بيقي اوتوز ايكي ياشنده اسپرو ولد قسطنطي يوركلي
در دست ايديله مامش اولديغندن تاريخ اعلاندن اعتباراً جانب رياستدن كندوسنه اون كون مهل اعطافتمشدر
مهل معين ظرفنده مرقوم محكمه به كلدكي حلاله قانونه اطاعت ايتماش نظريه باقيله رق حقوق مدنيه دن
اسقاط قيله جنج و علمنده دعوايه قيام اولنه جنج و بصره ده بركونا ادعايه حق اوله ميه جنج و اموالك حجز
آلنه آلنه جنج و بالجه ضابطه عدليه مأمور لر ينك كندوسني طومغه مجبور اولدقلى كبي معاملات حجزيه
حقنده دخي مدعي عموميله تليغات مقتضيه اجرا ايلديكي جهته اصول محاكات جزايه قانونك اوچيوز
يتش برنجي و اوچيوز يتش ايكنجي ماده لرندن استنباط اولنان احكامه توفيقاً اشيو قرارنامه بالتنظيم اعلان
اولنور .

يوناني تئودور قالو ياني به اولان دين محكومك تأمين تسويه سي ضمنتده متوفي ياني ب بروس عهده سنده
اولوب ورشه سي اوستول و ياقو يونانيدي به انتقال لازمكلان طرايه ده طرايه جاده سنده ۲۶۴ نومرولو
علي التخمين يوز اللي زراع عتيق عرصه اوزرينه احشاش اوله رق بش اوطة ايكي صفه بر مطبخ و بر كوز
صوقيوسي و « ۵۰ » زراع بغيچه مي مشتمل سنوي يكرمي ليرا ايجار كتور بر برباب خانه نك تمامي بوندن
اقرم موقع مزايده وضع اوله رق عثمانلي ليرا يوز غروش حسابيله اون ايكي بيك غروشده طالبي عهده سنده
قالمش اولمغه تاريخ اعلاندن اعتباراً اوتوز بر كون صكره يعني كله بك شهر تشرين ثاني رومينك يكرمي بشنجي
بازار كوني املاك مذ كوره بيشكاهنده صـوك مزايده و فرداسي بازار ايرتسي كوني وسطى ساعت ايكيدين
درده قدر قرار قطعي سي اعطا ايديله چكندن يوزده بش ضميله اشتراسه طالب اولانرك ودها زياده معلومات
آلق ايستيانلرك محكمه تجارت اجرا دائره سنه مراجعت ايللري اعلان اولنور .

قره دگز ارکلیسینده و حاجی حق بك اوتلنده اقامت ایدن ارکلی و دورك يول متعهدي حافظ محمد افندی
ذمتنده قصبة مزبوردهن خليل اغا زاده اشرف افنديك امره محرر برقطعه سند موجبجه الاجتی اولان
بيك طقوز يوز قرق اوج غروش اوتوز پارهك تحصيلي حقنده اقامه ایلدیکی دعوانك اجرای محاسبی
ضمننده ارسال قلمن دعوتیه ورقه سی ظهرنده مدعی علیک نزهیه کندیکی واقمکاهی مجهول بولنسی حسبیله
تبلیغات اجرا ایدیلهدیکی خدمه سی طرفندن ظهر دعوتیه ویریلان شرحدن اکلالمسینه بناء اصول محاکمه
حقوقیه قانوننك قرق آلتیجی ماده سک فقره اخیره سی حکمنه توفیقاً اعلاناً تبلیغات اجراسی خصوصنده
مدعی طرفندن وقع اولان طلب اوزرینه بالنسب امر محاکمه ك اجراسی سنه حاضره تشرین ثانینك اون
طقوزنجی بازار ایتسی کونی بعدالظهر زوالی ساعت ایکی به قرارلشدیریلوب اولباده تسطیر و املاقلنان
دعوتیه ورقه سی دخی محکمه دیوانخانه سنه تعلیق ایدلمش اولدیغندن مومی الیه حافظ محمد افنديك يوم و وقت
مذکورده ارکلی بحرسیه بدایت محکمه سی تجارت قسمنده حاضر بولنسی و یاخود مصلدق سنده بروکیل
کوندرمی لزومی وعکس حالده مدعی اشرف افنديك طلبیه دعوانك غیاباً فصل ورؤیت اولنه جنی بیانیه
اعلان کیفیته ابتدار قلندی .

باندردمه مقیم اوستریا دولتی تبعه سندن مایو صومنه ك باندردمه سنك بند باشی محله سندن فسجی تحسین
کفالتیه باندردملی حاجی سلیمان اوغلی ابراهیم و برادری الیاس اغا ذمتنده محکوم به معلوم المقدار مطلوبنك
تأمین استیفا سی ضمننده کفیل مرقومك مقدما تحت حجزه آلديريلان ایدنجکک چاریق قریبه سنده کائن انشا
ایتدیرمش اولدینی معلوم الحدود دقیق فابریقه سیله دروننده بر عدد غاز موتور و بر عدد طلومبه واکوز و
وصوبوریلری وقایش وطاش قالدیرمق ایچون بر عدد پوتانس و بیك اوجیوز قیه دمیر آلات و ادواتی وایکی
چفت طاش و پانقو طاقلریله آلات و ادوات سائرین مشتمل تخمیناً بشیک زراع مع حولی غاز ایله متحرک
بر باب دقیق فابریقه سنك بالمزایده یکریمی بیك غروشه طالبی اوزرینه قرار داده سی چکلمش اولدیغندن تاریخ
اعلاندن اعتباراً اوتوز بر کون صکره حاله قطعیه سی اجرا قلمق اوزره یوزده بش ضمه زیاده یه طالب
اولانلرک ادرک اجرا دائره سنه مراجعت ایللری اعلان اولنور .

تبعه یونانیه دن موسیو دیموستن ده لاغراماتیقانک متوفی قویون اوغلی واسیلاکی ورژس ذمتنده محکوم
به مطلوبی اولان مبالغه ک تأمین تسویه سی ضمننده محجوز و فروختی مقرر بولنان حاجی مصطفی اغا محله سنده
طوزجیلر جاده سنده اون اوج نومرو ایله مرقم تخمیناً ۸۰ ارشون عرصه اوزرینه مبنی درت قات الت قات
مغازده سالون و اوطه لری مشتمل کارگیر بر باب طوزجی دکانی دروننده مستقر ایکی عدد کدیگدن بروجه

ملکیت تصرف اولنور بر عددینک یوز یکریمی سهم اعتباریه اون بش سهمی و انخی چلبی محله سنده لیونجیلر
اسکله سی جاده سنده اوتوز نومرو ایله مرقم تخمیناً ۵۵ اررون اوزرینه مبنی کارگیر اوله رق درت قات الت
قات مغازه و بهر قانده زر اوطه یی مشتمل بقال دکانک نصف حصه سی بوندن اقدام مرقع مزایده یه وضع
ایدیلهرک عثمانلی لیراسی یوز غروش حسابیه بونلردن اون اوج نومرولو مغازمك ۱۲۰ سهم اعتباریه اون
بش سهمی التی بیك و اوتوز نومرولی مغازمك نصف حصه سی یکریمی بش بیك غروشه طالبی عهده سنه
قلمش اولمغه تاریخ اعلاندن اعتباراً اوتوز بر کون صکره یعنی کله جک شهر کانون اول رومینك اون بشنجی
جمعه ایتسی کونی محله ده صوک مزایده سی و اون یدنجی بازار ایتسی کونی وسطی ساعت درده قدر قرار
قطعیه سی اعطا ایدیلهدیگندن یوزده بش ضمیله اشترا سنه طالب اولانلرک ودها زیاده معلومات آلمق ایستیانلرک
محکمه تجارت اجرا دائره سنه مراجعت ایللری اعلان اولنور .

انطالیده مقیم تجار دن علیکسی اندونیادی افنديك افلاس سنه و مصالح افلاسیه سنك رؤیت و تسویه سی
ضمننده انطالیه محکمه اعضا سندن اکرم بك افنديك ژوژ قومیسر تعییننه و دعوی وکیللردن بور دوری
شکری و متوفی عمر لطفی افندی کابی ازاریا افنديك موقت سندیک تعییننه و مبدأ تجزک کشیده اولنان برنجی
پروتستونك تاریخ تبلیغی اولان ۱۹ ایلول سنه ۳۲۸ تاریخی اعتبار اولنسنه و مفلسك مغازه و مخزن و اوطه
واشیای زائده بیتیه سنك تمهیرینه و دفاتر تجاریه سنك بالنختم جلینه و اشبو افلاس اعلامنك اجراسنه و کفالت
معتبره ارا نه سنه دیکن مفلسك حبسنه تکه بدایت محکمه سی تجارت قسمنجه ۱۷ تشرین اول سنه ۳۲۸
تاریخنده قرار ویرلدیکی اعلان اولنور .

باندردمه قصبه سی اسبق طابو کابی مدحت افندیله کفیلی بولنان ایدنجک طابو کابی باندردملی قاضی مصطفی
افندی زاده بهجت افنديك باندردمه بدایت حقوق محکمه سندن اعطا قلنان برقطعه اعلام موجبجه محکوم
اولدقلى اون بر بیک درتیوز قرق بش غروشه بشیوز التمش یدی غروش مصارف محاکمه ك تأمین استیفا سی
ضمننده مدیون مومی ایهمادن بهجت افنديك تحت حجزه النان صیغر یولنده کائن طرفلری جانب یعنی قوجه امیر
زاده قدیر اغا ورثه سی خانه سی و یساری بشه لی خلیل اغا خانه سی وطریق حاجی و ارقه سی سیرملی حاجی
محمد اغا خانی و خلیل اغا ك خانه باغچه سیله محدود ۳۷۸ ذراع صرف ملک مغازمك یتش ایکی سهم اعتباریه
بهجت افندی حصه سنه اصابت ایدن اون درت سهمی تاریخ اعلاندن اعتباراً اون بش کون صکره بالمزایده
فروخت اولنه جفندن طالب اولانلرک باندردمه اجرا دائره سنه مراجعت ایللری اعلان اولنور .

کونیکك الاحصارده کونی یقهده ذمینی غازی سلیمان
باشاوقفندن باغ یری مع کروم شرقاً قاسم اوغلی محمد بن
مصطفی باغی شمالاً یول غرباً حافظ عمر لطفی اوغلی
حافظ عزیز باغی جنوباً نهر جاری ایله محدود بردونم
عزیز افندی باغی ارقه سی یول ایله محدود

زراع

۲۰

چشمه محله سنده خانه اتصالنده سبزه بغچه سی شرقاً
همته لی علی ملا خانه سی شمالاً شوسه طریقی غرباً
نظیف افندی خانه سی جنوباً نهر جاری ایله محدود
اولک
۳
دکرم اوزری محله سنده اراضی امیریه دن حرمانلر
موقعنده شرقاً صاری دائی اوغلی عثمان کریمه سی
فاطمه ترلاسی شمالاً یاران اوغلی حاجی عزت
وداد اوغلی بسیم افندی بن اسماعیل ترلاسی
غرباً خطیب اوغلی محمد بن مصطفی ترلاری جنوباً
یاخوره فاطمه ایله مرقوم محمدک ترلاریله محدود
ایکی دونم ترلادر

۲۰۹

کونیک طابو کاتبی اسبقی شریف خواجه زاده حافظ نظیف افندی طابو حاصلانندن ذمتنه کچورمش
اولدینی مبالغ محکوم بهک تأمین استیفاسیچون مدیون مومی الیهک بالاده حدود و دومتاتی محرر و اراضی
وبغچه لری تاریخ اعلاندن اون بش کون صکره بالمزایده فروخت ایدیله جکندن طالب اولانلرک کونیک
اجرا دائره سینه مراجعت ایللری اعلان اولنور .

قره دکر ارکایسنده ساکن تجاردن طومه فوتیادیس افندی وحسنی قیودانک قصبه مذ کورده حاجی
حق بکک اوتانده ارکلی دورک یول متعهدی حافظ محمد افندی ذمتنده بر قطعه سندن موجبجه الاجقلمری
اولان بشیکک درتیوز غروشک تحصیلی ومدیون مومی الیهک وارکلی مال صندوقنده مطلوبی اولان مبلغ
معلومه سندن مطلوبات مذ کوره ایله مصارف حجریه و محاکمهیه مقابل تحت حجزه النان التمش بش لیرایه موضوع
حجزک تصدیق حقنده اقامه ایلدکلمری دعوانک غیباً جریان ایدن محاکمه سنده بشیکک درتیوز غروشک والتیوز
یتش یدی غروش مصارف محاکمه نک تحصیلی وحجز موضوعک تصدیقنه قرار ۲۲ تشرین اول سنه ۳۲۸
تاریخ ویوز یتش اوج عددیله استحصال ایلدکلمری بر قطعه اعلام غیباینک مدعی علیک مقدما وبالآخره
کوستریلان اقامتکاهنده بولنه مامه سینه واقامتکاهنک مجهول اولدیفنه دائر مباشر طرفندن مشروحات لازمه
ویرلش اولسنه مبنی مدعی علیه اجرای تبلیغی قابل اوله مامش اولغله مدعیلرک طلبیله اصول محاکمه حقوقیه

قانوننک یوز اوتوز التنجی ویوز قرق طقوزنجی ماده لرینک معطوف علیهی اولان یکریمی التنجی ماده سندنک
فقره اخیره سی موجبجه مذ کور اعلامک برقطعه مصدق صورتی محکمه دیوانخانه سینه تعلیق ایدلمش اولغله
تبلیغ مقامنه قائم اولمق اوزره اعلان کیفیته ابتدار قلندی .

یانی لامبروپولوس افدینسک بک اوغلنده صحره جی یقوشنده ولی اپارتمانسک برنجی قاتنده مقیم ایکن
الیوم اقامتکاهی مجهول بولنان ایتالیا دولتی تبعه سندن پ ویتالیس علیهنه اوله رق درسعادت ایکنجی تجارت
محکمه سندن استحصال ایدیلوب ۱۶ اغستوس سنه ۳۲۸ تاریخنده اعلاناً تبلیغ ایدیلان اعلام موجبجه یوز
عدد عثمانلی لیراسنک مع مصارف محاکمه واجرائیه تحصیلنه قرار ویرلش اولوب اشبو اخبارنامه نک تاریخ اعلانی
اولان شهر تشرین اولرومینک اون سکزننجی پنجشنبه کونندن اعتباراً طقسان برکونه قدر مرقوم پ ویتالیس
دائره یه بالمراجعه تسویه دین ایلسی وقانوناً قبوله شایان برده جکی اولدینی تقدیرده تحریراً دائره یه بیان ایلسی
ومدت مذ کوره ختامنده دین تسویه ایدلمدیکی و جواب دخی ویرلمدیکی حالده الاجقلمی طرفندن طلب
ایدیله جک معامله قانونیه سی ایفا ایدیله جکی معلومی اولمق اوزره اشبو اخبارنامه اصول محاکمه حقوقیه
قانوننک یکریمی التنجی واجرا قانوننک یکریمی طقوزنجی ماده لرینه توفیقاً محکمه تجارت اجرا دائره سی
دیوانخانه سینه تعلیق ایدلمدیکی کبی غزته لرله دخی اعلانه مبادرت قلندی .

مجلسه اوله در تاریخ ۱۳۳۷ هجری قمری در محل اجتماعات این هیئت در شهر تبریز تشکیل گردید و در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۱- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۲- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۳- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۴- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۵- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۱- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۲- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۳- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۴- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۵- در این جلسه به منظور تعیین مقررات و اساسنامه هیئت مذکور اقدامات لازم بعمل آمد و در این خصوص به شرح ذیل اقدامات صورت پذیرفت:

۱- هیئت مدیره	۱۳۳۷	۱۳۳۷
۲- هیئت مدیره	۱۳۳۷	۱۳۳۷
۳- هیئت مدیره	۱۳۳۷	۱۳۳۷
۴- هیئت مدیره	۱۳۳۷	۱۳۳۷
۵- هیئت مدیره	۱۳۳۷	۱۳۳۷
۶- هیئت مدیره	۱۳۳۷	۱۳۳۷
۷- هیئت مدیره	۱۳۳۷	۱۳۳۷
۸- هیئت مدیره	۱۳۳۷	۱۳۳۷
۹- هیئت مدیره	۱۳۳۷	۱۳۳۷
۱۰- هیئت مدیره	۱۳۳۷	۱۳۳۷

مذرجات

قسم رسمی

۱- هیئت مدیره	۱۳۳۷	۱۳۳۷
۲- هیئت مدیره	۱۳۳۷	۱۳۳۷
۳- هیئت مدیره	۱۳۳۷	۱۳۳۷
۴- هیئت مدیره	۱۳۳۷	۱۳۳۷
۵- هیئت مدیره	۱۳۳۷	۱۳۳۷
۶- هیئت مدیره	۱۳۳۷	۱۳۳۷
۷- هیئت مدیره	۱۳۳۷	۱۳۳۷
۸- هیئت مدیره	۱۳۳۷	۱۳۳۷
۹- هیئت مدیره	۱۳۳۷	۱۳۳۷
۱۰- هیئت مدیره	۱۳۳۷	۱۳۳۷

تجهیزات عدلیه

تجهیزات عمریه

مجلسه بودجه جدول نمونسی

اعلامات

محکمات تعیین شده در امور محلی

محکمات تعیین شده در امور محلی

۱- قوسوه ولایتی استیناف محکمه سی	۵	نيسان	۳۴۵۲	۳۲۷
۲- قضا بدایت محاکمی اعضا سندن برینه	۹	تشرین اول	۳۴۵۴	
۳- قوسوه مرکز بدایت محکمه سی جزا	۱۹	کانون ثانی	۳۴۵۵	۳۲۶
۴- محاکم نظامیه اعضا ورؤسا سندن برینک اقاع ابتدیی جرمندن دولای	۱	تشرین ثانی	۳۴۵۸	۳۲۸
۵- امر محاکمه سنک مافوقی محکمه سنه عاڈیتنه داتر				



۳۴۵۹	۳۲۸	۵	تموز	محكمة تميز حقوق دائرة اعمالي — (۱) حجز دعواي حقنده
۳۴۶۱	»	۷	نيسان	(۲) — « « « ورثه لرك صغير حصه لرنده تأويل ملك جريان ايتيه جكنه دائر
۳۴۶۳	»	۲۷	تشرين اول	(۳) — « « « اسباب ثبوتيه حقنده
۳۴۶۵	»	۱۳	»	(۴) — « « « اموال غير منقوله به دائر
۳۴۶۶	»	۱۶	نيسان	(۵) — « « « معامله فراغيه حقنده
۳۴۶۸	»	۳۰	تشرين اول	(۶) — « « « عقد ايجاره دائر
۳۴۶۹	»	۲۴	»	شورای دولت اختلاف مربع — (۱) مراجع دعوی حقنده مضبوط لری

۳۴۷۱	»	۲۴	»	شورای دولت اختلاف مربع — (۲) پوسته نقلیات متعهد لری حقنده مضبوط سی
------	---	----	---	--

محكمة تميز حقوق دائرة سنجیه
ترقیاتی تجمیع زیر ادویه دعاوی
اعمالیاتك لیست سی

۳۴۷۲

— (۱)

— (۲)

— (۶)

— (۱)

— (۶)

قسم غیر رسمی

۳۴۷۵

عثمان بك افنديك

لاهی بولیم قونفرانسه دائر رانور

— (۱)

— (۱)

— (۱)

— (۱)

